









古文奇賞卷之十六

古吳陳仁錫選評 仁和郎奎金訂

荅張九齡書

唐姚元崇

忽辱箋翰喜慰攸集退惟自省慙愚亦深實智力之所不逮也宜朝廷之所見責也僕本凡近之材素非經濟之具叨承過聽謬膺朝委自少及長從微至著惟以直道爲業匪以曲路期通歷官三朝年逾一紀凡所稱薦罕避嫌疑實有祁奚之舉非無許允之對則天之世已被流言行之有恒久而自辯近蒙獎擢倍勵駑庸每以推賢進士爲務欲使公卿大夫稱職



三。楊橋之。或用。及解狐之。可爲。而悠悠之徒。未足。於  
祭。嗷。嗷。之。口。欲。以。中。傷。上。恃。天。聰。俯。仗。神。道。既。不。得。  
奉。身。而。退。但。知。信。心。而。前。然。顧。無。隱。慙。亦。死。爲。明。矣。  
俱。惟。不。敏。敬。承。厥。休。時。當。座。銘。永。爲。身。寶。



處分朝集使敕

唐張九齡

許王書言  
秘與朝集  
使言

朕恭已承天守文繼位佈一心於兆庶明四目於萬  
方但恐道或未周物不遂性旁求俊乂共理黎元於  
咨群辟寧不我副凡今政要略有四端衣食本于農  
桑禮義興于學校流亡出于不足爭訟由于無耻故  
先生務其三時將以厚生修其五教將以惇俗育國  
有家同知此義不患不知患在不行耳且長吏數改  
政教屢移在官當先爲國理人各惕其職不當冒  
于進苟利其身澆俗不可不革淳風不可不長近  
刺史在任四考方遷實欲始終其情黜陟斯繫必若



縣得良宰。萬戶息肩。州有賢牧。千里解帶。仁政不遙。行之則是。皆能勵節。朕復何憂。且如浮逖客戶。所在安輯。征鎮人家。每事優富。倉廩惟實。賦役惟均。鰥寡撫存。盜賊禁止。郵驛無弊。姦訛不生。念茲八事。朕常屬想。嗟爾庶尹。可不用心。卿等還州。遞相勸勉。遵此王度。恤彼下人。敬順天常。無違月令。夫星列躔次。土分區域。休咎之徵。惟人所感。善必知至。惡亦有由。每至歲成。當加賞罰。宜知朕意。並卽好去。

玄宗嘗謂左右曰。每見張九齡精神頓生。



合書云實  
有神奚之  
果非無許  
允之對又  
云既不得  
全身而退  
則知信心  
前

夫見勢則附俗人之所能也與不妄受志士之所難  
也君侯察其苟附及不輕受就而厚之因而用之則  
禽息之首爲知己而必碎豫讓之身感國士而能漆  
至於合如市道廉公之門客虛盈勢比雀羅廷尉之  
交情貴賤初則許之以死殉體面俱榮終乃背之而  
飽飛身名已遂小人恒態不可不察自君侯職相國  
之重持用人之權而淺中弱植之途已延頸企踵  
至諂親戚以求譽媚賓客以取容情結笑言談  
翼萬事至廣千變難知其間豈不有才所失在于  
耻君侯或棄其所短收其所長人且不知深旨之若



斯便謂盡私於此輩其有議者則曰不識宰相無以得遷不因交遊無以求售明主在上君侯爲相安得此言由出其口所以爲君侯至惜夫長才廣度珠潛璧匿無先容以求達雖後時而自安今豈無之何近何遠但問於其類人焉度哉雖不識之有何不可是知女不私人可以爲婦矣士不苟進可以爲臣矣此君侯之度內耳安用小人之說爲固知山藏海納言之無咎下情上通氣用和洽是以不敢默而已已也



冬夜於隨州紫陽先生餐霞樓上送烟子元演

隱仙城山序

李白

吾與霞子元丹烟子元演氣激道合結神仙交殊身  
同心誓老雲海不可奪也歷考天下周求名山入神  
農之故鄉得胡公之精宇胡公身揭日月心飛蓬萊  
起餐霞之孤樓鍊及景之精氣延我數子高談混元  
金書玉訣盡在此矣白乃語及形勝紫陽因大誇其  
仙城元侯聞之乘興將往別酒寒酌醉青田而少留  
夢魂曉飛渡綠水以先去吾不凝滯于物與時推移  
出則以平交王侯遁則以俯視巢許朱綬狎我綠蘿



未歸恨不得同棲烟林對坐松月有所感歎然銘契  
譚石乘春當來且抱琴臥花高枕相待以寵別賦而  
贈之

白有書自悉其平生云昔與蜀中友人吳指南死  
於洞庭之上白禪服痛哭炎月伏屍猛虎前臨堅  
守不動遂權殯於湖側數年來觀筋骨尚在雪泣  
持刃躬申洗削裹骨徒步負之而趨寢興携持無  
輟身手遂丐貸營葬于鄂城其與逸人東巖子隱  
于岷山巢居數年不跡城市養奇禽千計呼皆就  
掌取食了無驚猜其養高忘機如此



貞曾云羽  
歸遁進列  
生酣而不  
醉清饒問  
及將士激  
而逾靡

錢副大使李藏用移軍廣陵序 李 白

夫功未足以蓋世威不可以震主必挾此者持之安  
歸所以彭越醢于前韓信誅于後况權位不及于此  
者虛生危疑而潛包禍心小拒王命是以謀臣將啖  
以節鉞誘而烹之亦由借鴻溝于奔鯨鱸生人于哮  
虎呼吸江海橫流百川左縈右拂十有餘郡國計未  
及誰當其鋒我副使李公勇冠三軍衆無一旅橫倚  
天之劒揮駐日之戈吟嘯四顧熊羆兩集蒙輪扛鼎  
之士杖干將而星羅上可以決天雲下可以絕地維  
翁振虎旅赫張王師退如山立進若電逝轉戰百勝



此等文字  
真可抵用  
兵數萬

僵屍盈川。水膏于蒼溟。陸血于原野。一掃瓦解。洗清  
全吳。可謂萬里長城。橫斷楚塞。不絕五嶺之北。盡削  
于修蛇。勢盤地蹙。不可圖也。而功大用小。天高路遠。  
社稷雖定于劉章。封侯未施于李廣。使慷慨之士。長  
吁青雲。且移軍廣陵。恭揖後命。組練昭雪。樓船乘風。  
簫鼓沸而三山動。旌旗揚而九天轉。良牧出祖。列將  
登筵。歌酣易水之風。氣振武安之瓦。海日夜色。雲帆  
中流。席闌賦詩以壯三軍之事。白也筆已老矣。序何  
能爲。

春於南浦與諸公送陳郎將歸衡嶽序



新心不可  
不聞

仲尼旅人文王明夷苟非其時賢聖低眉况僕之不  
肖者而遷逐枯槁固其宜耶朝心不聞暮髮盡白登  
高送遠使人增愁陳郎將義風凜然英思逸發來下  
專城之榻去邀才子之詩動清興于中流汎素波而  
徑去諸公仰望不及連章祖之序慙起予輒冠名賢  
之首作者嗤我乃爲撫掌之資乎

金陵與諸賢送權十一序

斯高柄秦嬴世不二三傑伏草與漢並出莽夷未暉

達人之言

耿鄧乃起自古英達未必盡用于當年去就之理在  
大運爾我君六葉繼聖熙于玄風垂拱穆然紫極天



文至此真  
奔蒼澗溪  
清星辰濯  
山漢

人其一哉。所以青雲豪士。散在商鈞。四座明哲。皆清  
朝旅人。吾希風廣成。蕩漾浮世。素受寶訣。爲三十六  
帝之外臣。卽四明逸老。賀知章。呼余爲謫仙人。蓋實  
錄耳。而嘗採姹女于江華。收河車于清溪。與天水權  
昭夷。服勤爐火之業久矣。之子也。冲恬淵靜。才翰駿  
發。白每一篇一札。皆昭夷之所操。吁。捨我而南。若折  
羽翼。時歲律寒色。天風枯聲。雲帆涉漢。間若絕雷。舉  
目四顧。霜天崢嶸。銜杯敘離。而群子賦詩以出。餞酒  
仙翁李白辭

暮春於江夏送張承祖之東都序



才卽是命

吁○咄○哉○僕○書○室○坐○愁○亦○已○久○矣○每○思○欲○退○登○蓬○萊○極○  
目○四○海○手○弄○白○日○頂○摩○青○穹○揮○斥○幽○憤○不○可○得○也○而○  
金○骨○未○變○玉○顏○以○緇○何○嘗○不○捫○松○傷○心○撫○鶴○歎○息○誤○  
學○書○劍○薄○遊○人○間○紫○禁○九○重○碧○山○萬○里○有○才○無○命○甘○  
于○後○時○劉○表○不○用○于○禰○衡○暫○來○江○夏○賀○循○喜○逢○于○張○  
翰○且○樂○船○中○遇○達○人○張○侯○大○雅○君○子○綽○泛○舟○之○役○在○  
清○川○之○湄○談○玄○賦○詩○連○興○數○月○醉○盡○花○柳○賞○窮○江○山○  
王○命○有○程○告○以○于○邁○煙○景○之○色○慘○爲○愁○容○繫○飛○帆○於○  
半○天○汎○淥○水○于○遙○海○欲○去○不○去○更○聞○芳○樽○樂○雖○靈○中○  
趣○逸○天○外○平○生○酣○暢○未○若○此○時○至○于○清○談○浩○歌○雄○筆○



麗藻笑飲醪酒醉揮素琴余實不愧于古人也揚袂  
遠別何時歸來想洛陽之秋風鱸伊魚以相待詩可  
贈遠無乃闕乎

奉餞十七翁二十四翁尋桃源序

昔祖龍滅古道嚴威刑剪焚生人若墜大火五墳五  
典散爲寒灰築長城起阿房并諸侯殺豪俊自謂功  
高義皇國可萬世思欲凌雲氣求仙人登封泰山風  
雨暴作雖五松受職草木有知而萬象垂度禮刑將  
弛則綺皓不得不遁于南山魯連不得不蹈于東海  
桃源之避世者可謂超升先覺夫指鹿之傳連頸正



同死非吾黨之謂乎二翁耽老氏之言繼少卿之作  
文以述大雅道以通至精卷舒天地之心脫落神仙  
之境武陵遺跡可得而窺焉問津利往水引漁者花  
藏仙谿春風不知從來落英何許流出石洞來入晨  
光盡開有良田名池竹果森列三十六洞別爲一天  
邪今扁舟而行笑謝人世阡陌未改古人依然白雲  
何時而來歸青山一去而誰往諸公賦桃源以美之  
潁陽瀨水貞義女碑銘

皇唐葉有六聖再造八極鏡照萬方幽明咸熙天降  
有禮自古及今君君臣臣列士貞女采其史傳名節



尤彰可激清頽俗者皆掃地而祠之蘭蒸椒漿歲祀  
罔缺而茲邑貞義女光靈翳然埋名古遠琬琰不刻  
豈前修博達者爲邦之意乎貞義女者溧陽黃山里  
史氏之女也以家溧陽史闕書之歲三十不易其志  
清英潔白事母純孝手柔荑而不龜身激漂以自業  
當楚平王時王虐忠助讒苛虐厥政芟于尚斬于奢  
血流于朝赤族伍氏怨毒于人何其深哉子胥始東  
奔勾吳月涉星邁或七日不火傷弓于飛逼迫于昭  
關匍匐于瀨渚捨車而徒告窮此女自色以臆授之  
壺漿全人自沉形與口滅卓絕千古聲凌浮雲激節



必報之讐雪誠無疑之地難乎哉。借如曹娥潛波埋  
貫于孝道聶姊殞肆槩動于天倫魯姑棄子以卻三  
軍之衆漂母進飯沒受千金之恩方之于此彼或異  
爾卒使伍君開張闔閭傾蕩鄢郢吳師鞭屍于楚國  
申胥泣血于秦庭我亡爾存亦各壯志張英風于古  
今雪大憤于天地微此女之力雖云爲忠孝之士亦  
焉能咆哮烜赫施于後世也望其溺所愴然低迴而  
不能去每風號吳天月苦荆水響象如在精魂可憑  
惜其投金有象而刻石無主哀哉邑宰榮陽鄭公名  
晏家康成之學世子產之才琴清心閒百里大化有



若主簿扶風竇嘉賓縣尉廣平宋陟丹陽李濟南郡  
陳然清河張昭皆有卿才霸略同事相協緬紀英淑  
勒銘道周雖陵頽海竭文或不死其辭曰 粲粲貞  
女孤生寒門上無所天下報母恩春風三十花落無  
言乃如之人激漂清源碧流素手縈彼潺湲求思不  
可秉節而存伍胥東奔乞食于此女分壺漿減口而  
死聲動列國義形壯士入郢鞭屍還吳雪耻投金瀨  
泚報德稱美明明千秋如月在水

上安州裴長史書

自言天不言而四時行地不言而百物生白人焉非



六代賦  
注巨壑

天地安得不言而知乎敢剖心析所論舉身之事便  
富談笑以明其心而粗陳其萬一思快憤懣惟君侯  
察焉白家本金陵世爲右姓遭沮渠蒙遜之難奔流  
咸秦因官寓家少長江漢五歲誦六甲十歲觀百家  
軒轅以來頗得聞矣常橫經籍詩書制作不倦迄于  
今三十春矣以爲士生則桑弧蓬矢射于四方故知  
大丈夫必有四方之志乃仗劍去國辭親遠遊南窮  
蒼梧東涉溟海見鄉人相如大誇雲夢之事云楚有  
七澤遂來觀焉而許相公家見招妻以孫文便憇跡  
于此至移三霜焉曩昔東遊維揚不逾一年散金三



十餘萬有落魄公子悉皆濟之此則是白之輕財好  
施也又昔與蜀中友人吳指南同遊于楚指南死于  
洞庭之上白禪服動哭若喪天倫炎月伏屍泣盡而  
繼之以血行路間者悉皆傷心猛虎前臨堅守不動  
遂權殯于湖側便之金陵數年來觀筋肉尚在白雪  
泣持躬申洗削裹骨徒步負之而趨寢興攜持無  
輟身手遂丐貸營葬于鄂城之東故鄉路遠魂魄無  
主禮以遷窆式昭朋情此則是白存交重義也又昔  
與逸人東巖子隱于岷山之陽白巢居數年不跡城  
市養奇禽千計呼皆就掌取食了無驚猜廣漢太守



聞而異之詣廬親覲因舉二人以有道並不起此則  
白養高忘機不屈之跡也又前禮部尚書蘇公出爲  
益州長史白于路中投刺待以布衣之禮因謂郡寮  
曰此子天才英麗下筆不休雖風力未成且見專車  
之骨若廣之以學可以相如比肩也四海明識具知  
此談前此郡督馬公朝野豪彥一見盡禮許爲奇才  
因謂長史李京之曰諸人之文猶山無烟霞春無草  
樹李白之文清雄奔放名章俊語駱驛間起光明洞  
徹何以盡陳儻其賢賢也白有可尚夫唐虞之際於  
斯爲盛有婦人焉九人而已是知才難不可多得白



野人也。頗工于文。惟君侯顧之。無按劍也。伏願君侯  
貴而且賢。鷹揚虎視。齒若編貝。膚如凝脂。昭昭乎若  
玉山之行。朗然映人。而高義重諾。名飛天京。四方諸  
侯。聞風暗許。倚劍慷慨。氣干虹霓。月費千金。日宴群  
客。出躍駿馬。入羅紅顏。所在之處。賓客成市。故時人  
歌曰。賓客何喧喧。日夜裴公門。願得裴公之一言。不  
須驅馬埽華軒。白不知君侯何以得此聲于天壤之  
間。豈不由重諾好賢。謙以下士得也。而晚節改操。棲  
情翰林。天才超然。度越作者。屈佐郎國。時惟清哉。稜  
威雄雄。下懼群物。白竊慕高義。已經十年。雲山間之。



受夫語

造謁無路今也運會得趨末塵承顏接辭八九度矣  
常欲一雪心跡崎嶇未便何圖謗言忽生衆口攢毀  
將恐投杼下客震于嚴威然自明無辜何憂悔吝孔  
子曰畏天命畏大人畏聖人之言過此三者鬼神不  
害若使事得其實罪當其身則將浴蘭沐芳自屏于  
烹鮮之地惟君侯死生不然投山竄海轉死溝壑豈  
能明目張膽託書自陳邪昔王東海問犯夜者曰何  
所從來荅曰從師受學不覺日晚王曰吾豈可鞭撻  
寧越以立威名想君侯通人必不爾也願君侯惠以  
大恩洞開心顏終乎前恩再辱英珥白必能使精誠



封侯中丞  
氣勃宰方  
而能圖至  
也

動○天○長○虹○貫○日○直○度○易○水○不○以○爲○寒○若○赫○然○振○威○加○  
以○大○怒○不○許○門○下○遂○之○長○途○白○卽○漆○行○于○前○再○拜○而○  
去○西○入○秦○海○一○觀○國○風○永○辭○君○侯○黃○鶴○舉○矣○何○王○公○  
大○人○之○門○不○可○以○彈○長○劍○乎○

### 任城縣廳壁記

風姓之後國爲任城蓋古之秦縣也在禹貢則南徐  
之分當周成廼東魯之邦自伯禽列于順公三十二  
代遭楚蕩波因屬楚焉炎漢之後更爲郡縣隋開皇  
三年廢高平郡移任城于舊居邑乃屢遷井則不改  
魯境七百里郡有十一縣任城其衝要東盤瑯琊西



控鉅野北走厥國南馳三鄉青帝大昊之遺墟白承  
尚書之舊里土俗古遠風流清高賢良間生掩映天  
下地博厚川疎明漢則名主分茅魏則天人列土所  
以代變豪侈家傳文章君子以才雄自高小人則鄙  
朴難治况其城池爽塏邑屋豐潤香閣倚日凌丹霄  
而欲飛石橋橫波驚彩虹而不去其雄麗映北有如  
此焉故萬商往來四海綿歷實錢貨之橐籥爲英髦  
之咽喉故資大賢以主東道製我美錦不易其人今  
鄉二十六戶一萬三千三百七十一帝擇明德以賀  
公宰之公溫恭克修儼頤有立季野備四時之氣士



元非百里之才。撥煩彌閑。剖劇無滯。鏑百發克破。於  
楊葉刀一鼓必合。於桑林寬猛相濟。弦韋適中。一之  
歲肅而教之。二之歲惠而安之。三之歲富而樂之。然  
後青衿向訓。黃髮履禮。耒耜就役。農無游手之夫。極  
軸和鳴。機罕嚙蛾之女。物不知化。陶然自春。權豪鋤  
縱暴之心。黥吏返淳和之性。行者遜於道路。任者併  
於輕重。扶老携幼。尊尊親親。千載百年。再復魯道。非  
神明博遠。孰能契于此乎。白探竒東蒙。竊聽與論。輒  
記于壁。垂之將來。俾後賢之操刀。知賀公之絕迹者  
也。



山中與裴秀才書

王維

是此人說  
此話他人  
口之便無  
亦

近臘月下景氣和暢故山殊可過足下方溫經猥不  
敢相煩輒便往山中憇感配寺與山僧飯訖而去北  
涉玄灞清月映郭夜登華子岡輞水淪漣與月上下  
寒山遠火明滅林外深巷寒犬吠聲如豹村墟夜春  
復與疎鐘相聞此時獨坐僮僕靜默多思曩昔携手  
賦詩步仄逕臨清流也當待春中草木蔓發春山可  
望輕儵出水白鷗矯翼露濕青皋麥隴朝雉斯之不  
遠倘能從我遊乎非子天機清妙者豈能以此不急  
之務相邀然是中有深趣矣無忽因馭黃蘗人往不

一山中人王維白

輞川其處輞水如車縛頭因以得名右丞篤志奉  
佛妻死不再娶潔居逾三十載母夫人卒表宅爲  
寺今冢墓在寺之西南隅○維弟縉進集表云文  
辭立身行之餘力當官堅正乘操孤直縱居要劇  
不忘清靜實見時輩許以高流

爲崔常侍祭牙門姜將軍文

維大唐開元二十五年歲次丁丑十一月辛未朔四

日甲戌左散騎常侍江西節度副大使攝御史中丞

崔公致祭於故姜公之靈嗚呼天子命之建旗西門



帶甲十萬鐵騎雲屯橫挑強胡飲馬河源嗟爾飛捷  
表爲牙門牙門伊何全齊大族四方有事誓死鳴鼓  
前有血刃後有飛鏃其氣益振大呼馳逐翩翩曰馬  
象弧雕服戈舂其喉矢集其目嗚呼天下無事今上  
好文爾有餘勇莫敢邀勲腰鞬白首蹉跎塞雲死于  
禪將誰統前軍家本秦人靈車東驚長天積雪邊城  
欲暮麾下。行哭前旌。抗路身有寶劍。不佩而去。轅有  
代馬悲鳴。跼顧嗚呼。我誠軍吏。令送爾歸。旣素我服。  
亦朱其衣。黠虜未滅。壯士長辭。牢醴以祭。太息歔歔。  
尚饗。

暮春大師左右丞相諸公與韋公逍遙谷讌集

序

此等句皆  
是摩詰本  
色

山有姑射人蓋方外地有蓬瀛地非宇下逍遙谷天  
都近者王官有之不廢大倫存乎小隱跡崆峒而身  
拖朱紱朝承明而暮宿青靄故可尚也先天之君俾  
人在宥懽心格于上帝喜氣降爲陽春時則有若太  
子太師徐國公左丞相始興公少師宜陽公少保崔  
公特進鄧公吏部尚書武都公禮部尚書杜公賓客  
王公黼衣方領垂瑠珥筆詔有不名命無下拜熙天  
下者坐而論道掌邦典者官司其方相與察天地之



驚出幽而  
初轉花含  
志而將明

和人神之泰聽于朝則雅頌矣問于野則賡歌久乃  
曰猗哉至理之代也吾徒可以酒台讌樂考擊鐘鼓  
退于彤庭撰辰擇地右班劔驂六駟畫輪載轂狝幢  
先路以詣夫逍遙谷焉神臯藉其綠草驪山啓于朱  
戶渭之美竹魯之嘉樹雲出于棟水環其室灞陵下  
連平萊地新豐半入于家林館層巖檻側逕師古節  
儉惟新丹堊巖谷先曙羲和不能信其時芳卉後春  
勾芒不能一其令桃逕窈窕蘅臯超忽驂御延佇于  
叢薄珮玉昇降于蒼翠于是外僕告次獸人獻鮮罇  
以大壘烹用五鼎木器擁腫卽天姿以爲飾溜毛蘋

繫在山羞而可薦伶人在位曼姬始穀齊瑟慷慨于  
座右趙舞徘徊于白雲哀旒松風珠翠烟露以在蒙  
汜群山夕嵐猶且濯纓清歌據梧高咏與松喬爲伍  
是羲皇上人且三代之後而其君帝舜九服之內而  
其俗華胥上客則冠冕巢由主人則兄弟元凱合是  
四美同乎一時廢而不書罪在司禮竊思楚傳常詣  
茅堂之居仰謝右軍忽序蘭亭之事蓋不獲命豈曰  
能賢



京兆尹張公德政碑

自魏以來  
龍雜唐則  
整宋以後  
沈清唐則  
厚若王輔  
川燭眉客  
賁帶韻至  
八手鬆入  
印逸

夫京兆號爲難理清淨病于不給以筆拘于守文或以  
輒弱廢或以殺賊効把宿負淺爲丈夫用鉤距蓋  
非長者我則異于是大道難名大理無法閉關于任  
數巧笑不能知堅壁于畫一善政不能下摧宿豪如  
難草無愠色視大權如歷塊無傲容百司之吏總一  
德以咸服五方之人雜異教而同理受命之始先聲  
已振黠吏惡少聞風族行及乎鳴騶詣府登堂坐定  
縣尹掾史以次上謁守正之人其氣高含章之人其  
詞大見容色而聞號令小人感而君子泰日者櫟陽

行文有谷汲芝耕之意

男子閭里爲豪。借客報仇。聚人爲盜。或白日手刀。或黃塵袖鎚。政寬則以身先諸偷。操急則以事中長吏。貳過不已。萬計自脫。公命吏縛之。立死鈴下。于是人入暗室。若遇大賓焉。前年不登人額。太甚野無遺糠。路有委骨。天子不忍征于不粒。賦于無衣。六軍侍衛。以臨東諸侯。息關中也。帝曰。咨天。其降威人。罔畏罪。台恐寇盜。乃邑矧曰。蕩析離居。惟爾克濟。撫茲西土。公拜稽首。思塞休命。布慈惠之政。不以利淫。震雷霆之威。其或宥過。養人。減雙鷄之膳。圉人省五馬之秣。淘不厭服。巧不填館。自身已往。振廩同食。雖人煙不



動道饑相望。不惡濫以苟生。咸守教以就死。是不可  
能也。先是王公或專南山之利。司農涸昆明之池。收  
赤舛澤。將爲田。以便官。至是悉奏罷之。舟漁衡麓之  
守。廢蒲荷新蒸之產。入自郊徂。邑室有流。養斬陰伐  
陽市多山木。人得以贍。惟涇有防。比歲多決。近縣疲  
于力役。他山遺于度材。公命刮朽壤。填巨石。辦大木  
去。編管其始。告勞乃終。有慶匠石日減功。萬藏史日  
省錢億。農始學耒。女始安織。于是鮐背黃髮之耆曰  
我有田疇。鍾秉其畝。我有子弟。顏閔其行。鄉黨以睦  
。學失其獨。道路有禮。汰無與爭。酒先養老。賄不問吏。

崔祐甫頌

洪州張公

曰百類千

即周祚有

曉又曰苟

職皆行揚

之無度侵

乎肆奪之

不敗是國

家以章綬

印璽書卷

生也

既無吠狗。亦無奸人。臨年餘資。竊蒙惠化。其曷以臻。  
茲君子曰。此天子至公內舉。不避親錫。汝明尹張公。  
之力也。且公之德。升聞于天。非一朝一夕之漸也。亦。  
以稱職于累官。著聲于所在。其丞祕書也。闕文遺簡。  
多在大家。深爲子孫之藏。密有緘滕之固。公不憚權。  
貴。或抵或誘。盡歸天閣。官書備焉。其牧郢人也。人有。  
不若德。戮之不爲暴。人有不保。居撫之不爲諂。存者。  
考其事。壯者食以畜之。行者緝其官。藝者樹以待之。  
此邦之人。既優他邦之人。又至焉。未盈一歲。遂增萬。  
戶。其守汾也。仍歲大旱。郡祠介推。雖屢舞僊僊。而靈。



高陵令  
曰丞徒謹  
呼奪祿而  
爵

應未若公命東蘊取火伐樹寘薪灑酒而祝曰有  
于人祀爲明神無德而祿禍亦覆餗自絳以來人之  
祀子純犧大璧不敢愛必以薦也童兒季女不敢愛  
必以敬也神旣靡荅人將安仰若亭午而雨則樹其  
鷺羽執此騂毛不然者火燎將至燠天饑地靈衣且  
爲煨燼豐屋將爲茂草爾其圖之言未畢而雲興拜  
未起而雨降周于闔境不入他郡雖封疆咫尺而彼  
竭我盈嘻若記能事載盛德渭川之竹不足簡終南  
之木不足軸夫訓人至于禮義曰德安人免于阡危  
曰功德者上賞于上下頌于下長老孜孜願刊于石

以予學于舊史來卽我謀且維與人編戶與人爲伍  
與人出入與人言語知風俗之淳弊識政化之原本  
屬詞媿文書事益實

爲。舉。歎。豐。望。株。爲。茂。章。爾。其。圖。之。言。未。畢。而。雲。興。我。  
驚。降。時。此。親。手。不。然。昔。火。熱。株。至。燃。天。猶。此。靈。衣。且。  
必。以。婚。少。輒。到。親。答。人。衆。安。唯。昔。亭。子。而。兩。限。博。其。  
所。于。絲。難。大。整。不。煩。愛。必。以。熟。少。童。思。季。文。不。煩。愛。

十。人。所。爲。則。無。難。一。而。無。斷。衣。無。身。自。終。以。承。人。之。  
未。昔。公。命。東。盛。項。火。外。以。其。昔。歸。而。歸。日。亦。

陵

和。在。額。面

口。在。額。面

口。在。額。面

口。在。額。面



觀公孫大孃弟子舞劍器行序

唐杜 靜

大曆二年十月十九日夔州別駕元特宅見臨穎李  
十二孃舞劍器壯其蔚跂聞其所師曰余公孫大孃  
弟子也開元三載余尚童稚記余郾城觀公孫氏舞  
劍器渾脫瀏漓頓挫獨出觀時自高頭宜春梨園二  
伎坊內人洎外供奉曉是舞者聖文神武皇帝初公  
孫一人而已玉貌錦衣況余白首今茲弟子亦匪盛  
顏旣辯其由來知波瀾莫二撫事慷慨聊爲劍器行  
昔者吳人張旭善草書書帖數常於鄴縣見公孫大

孃舞西河劍器自此草書長進豪蕩感激卽公孫可知矣。

昔有佳人公孫氏一舞劍器動四方觀者如山色沮  
喪天地爲之久低昂耀如羿射九日落矯如群帝驂  
龍翔來如雷霆收震怒罷如江海凝清光絳脣朱袖  
兩寂寞晚有弟子傳芬芳臨穎美人在白帝妙舞此  
曲神揚揚與余問荅旣有以感時撫事增惋傷先帝  
侍女八千人公孫劍器初第一五十年間似反掌風  
塵傾動昏王室梨園弟子散如烟女樂餘資映寒日  
金粟堆南木已拱瞿塘石城草蕭瑟玳筵急管曲



終樂極哀來月東出老夫不知其所在足蘭荒山轉  
愁疾。

唐故德儀贈淑妃皇甫氏神道碑銘

此碑駟馬  
鄭潛曜托  
子美作序  
云甫忝鄭  
莊之賓客  
游賓主之  
園林以自  
頌之嵇阮  
豈獨步于  
崔蔡而野  
老何知斯  
文見托

積氣之清。積陰之靈。漢曲迴月。高堂麗星。驚濤洶洶。  
過雲冥冥。洗滌蒼翠。誕生娉婷。婉彼柔惠。邇然開  
爽。綢繆之故。昔在明兩。恩渥未渝。康哉大往。展如之  
媛。孰與爭長。珩珮是加。翬褕克備。先德後已。累功  
居位。壺儀孔修。宮教咸遂。王子獎飾。禮亦尊異。小  
苑春深。離宮夜逼。花間度月。同輦未歸。池畔臨風。焚  
香不息。嗚呼變化。惠好終極。馮相視祿。太史書氛。

藏舟。瞬。色。逝。水。寒。文。翠。幄。成。彩。金。爐。罷。燠。燕。趙。一。馬。  
瀟。湘。片。雲。恍。惚。餘。跡。蒼。芒。具。美。王。子。國。除。匪。他。之。  
耻。公。主。愁。思。永。懷。於。彼。日。居。月。諸。丘。壠。荆。杞。巖。巖。  
禹。鑿。瀾。瀾。伊。川。列。樹。拱。矣。豐。碑。巍。然。爰。謀。作。述。歛。就。  
彫。鐫。金。石。照。地。蛟。龍。下。天。少。室。東。立。練。垣。西。走。佛。  
寺。在。前。宮。橋。在。後。維。山。有。麓。與。碑。不。孤。稚。木。有。源。與。  
詞。永。久。

以詩賦爲文章王摩詰杜子美



後漢賊臣董卓廟議

唐高適

高郢之議  
魯也尚曰  
知其不享  
是成康祿  
以王者禮  
祭饗周公  
一尊矣

昔漢祚凌夷。桓靈棄德。宦官用事。國步多艱。宗社有  
綏。旒之危。宦臣非補袞之具。董卓地兼形勝。手握兵  
鈐。顧而不扶。禍則先唱。興晉陽之甲。君側未除。入洛  
陽之宮。臣節如掃。乃至發掘園寢。逼辱嬪妃。太后之  
崩。豈稱天命。弘農之廢。孰謂人心。敢諷朝廷。以自尊  
貴。大肆剽虜。以極誅求。焚燒都邑。馳突放橫。衣冠凍  
餒。倚死墻壁之間。兆庶困窮。生塗草莽之上。于是天  
地憤怒。鬼神號哭。而山東義旗。攘袂爭起。連州跨郡。  
皆以誅卓爲名。故兵挫于孫堅。氣奪于袁紹。僭擬輿

亦不必識  
到此其文  
故豪

服黨助奸邪。驅蹙東人。脅帝西幸。淫刑以逞。有湯虺  
之甚。要之糜爛。剝剔異端。乃謂漢鼎可移。郿塢方盛。  
殊不知禍盈惡稔。未或不亡。故神贊允誠。天假布手。  
母妻屠戮。種族無留。懸首然臍。遺臭萬代。骨肉灰燼。  
不其快哉。今狄道之人。不慚卓之不臣。而務其爲鬼。  
苟斯鬼足尚。則漢莽可得而神。晉敦可得而廟。桓玄  
父子。可享于江鄉。爾朱弟兄。可祠于朔上。嗟乎仁賢  
之魄。寂寞于丘陵。義烈之魂。沉埋于泉壤。何馨香之  
氣。而用于暴悖之鬼哉。適竊奉吹噓。庇身戎幕。每承  
餘論。飽識公忠之言。不遠下風。盡知仁義之本。昨示



高會敬受德音。今具賊臣之事。悉以條上。謹按尚書  
王者望秩天地之神祇。諸侯祭境內之山川。亂臣不  
言淫祀。無取則董卓之廟。義當焚毀。立憲已後。猶有





字詁別

唐張巡

甲楷法有聞。頗齊刀筆之吏。象形自異。偏在寫書之官。不能殺竹。惟青臨池。盡黑。當年有立。應已盈裾。計日不移。無慚尺牘。今乃字詁是事。呂課有違。左氏門庭。雖多筆硯。雅川史籍。不滿巾箱。曾莫負于五車。徒見司于雙管。以是會意。雖則麾肱。不能中程。何爲當理。今之簿訴。將俟片言。欲遲單父之書。須辨洛陽之紙。然則類之大小。猶或可問。刑之出入。于是乎在。謝加金吾表曰。想義眉之碧峰。豫遊西蜀。追綠耳於玄圃。保壽南山。逆賊祿山。戮辱黎獻。羶臊闕庭。

臣被圍七旬。親經百戰。主辱臣死。當臣致命之時。  
惡稔罪盈。是賊滅亡之日。又激厲將士。賦詩曰。倏  
戰春來。苦孤城日漸危。合圍倖月暈。分守若魚麗。  
屢厭黃塵起。時將白羽揮。裹瘡猶出障。飲血更登  
陴。忠信應難敵。堅貞諒不移。無人報天子。心計欲  
何施。又夜聞笛。詩曰。峩峩庶一臨。虜騎俯城陰。不  
辨風塵色。安知天地心。營開星月近。戰苦陣雲深。  
旦夕高樓上。遙聞橫笛吟。



此公等  
大異

古漁父

唐劉

蛻

曳行山逐禽而逢虞人虞人反以罟而獵曳曳欺虞  
人以事鬼神而得逸他日曳之子壯圍山而讐獵吾  
父者曰今日凡在山澤殺無赦虞人亡于大澤虞之  
父教之以漁漁利厚于罟末之年富于澤上反聞曳  
將殺其子于帝側帝教之以漁天下天下之利厚于  
陶稼末之年富于九州漁者常以此自笑而聞于士  
師士師以法執之漁者對曰始臣學漁不學笑天下  
而天下入臣笑舜聞之亦曰始朕學事曳不學受天  
下禪而天下禪朕

蒲話

古今作者  
五談味

海少

晦冥之後漁者啼而奔帝辛曰始風微水上魚聚臣  
舟臣垂之十鉤魚方眠臣鉤未及吞而雷驚臣舟夫  
雷不發而震盍戮于爕理者辛應曰爾不得魚市不  
闕魚亦殷人得魚耳大多魚而垂之十鉤魚必爭而  
且威後其餌然而猶相與眠其鉤豈非君其餌薄乎  
何戮之有微子自旁聞之亦曰殷餌薄矣臣不受戮  
殷民驚矣抱祭噐而入周

### 羸秦論

無有天下而不知秦之焚書也無世而不謂不用聖  
人之道所以亡也嗚呼秦亡自亡也安能焚書爲秦



司空圖銘

秦坑日秦

術戾儒厥

民斯醢秦

儒既坑厥

祀隨覆天

復儒仇儒

祀而家秦

坑儒耶儒

坑秦耶

若非劉公

筆性此論

幾宋儒矣

亡耳天下不用秦如聖人之道故秦不得其道而用  
 也當其時天下一家而尊已外無非心之人故深法  
 禁人之惡也則不當去法以禁人之善是則果習天  
 下之離心而背已也豈秦區區之心歟蓋天必以秦  
 之強暴非大敗無以叛其四海之心故先絕其事君  
 敬長之術而後從天下以亡其天下焉夫天與秦則  
 書存不與秦則書焚而秦終無自焚之心也且聖人  
 官先自藏其書是秦未始有焚書之心聖人之家先  
 有其心矣故曰秦亡其自亡矣且聖人之道與天地  
 合其久與鬼神合其微則不得毀置之在秦也然矣

陶、唐、氏、之、水、前、有、聖、人、之、化、後、有、聖、人、之、勤、而、後、民、  
知、事、君、敬、長、之、術、自、秦、之、火、前、聖、已、遠、後、聖、不、作、而、  
其、術、不、數、世、亦、已、成、矣、豈、非、天、之、欲、有、絕、而、先、絕、其、  
術、欲、有、立、而、先、立、歟、今、或、怨、之、火、不、全、其、道、也、不、知、  
秦、火、息、矣、

禹書上

以功不就而受誅則可謂勤民而死乎曰不然然則  
夏之郊也奚不尋其先安得以鯀配曰以功不就則  
可謂勤民而死也以誅其身則可謂勤其家也不怨  
君誅而尋父功鯀當誅也傳曰不以家事辭王事旣



奇結

其家爲天下故報其勤家于夏郊而已矣有鮒之誅而不廢其功禹爲其子也不得以天下而擇其功者禹爲之事鬼神也微禹之爲子先人之罪將不食矣故其子之功由勤父嗣也然則夏郊宜矣于是君誅其怠也而子不怨其家祭其勤也民神弗畔蓋禹以天下不逮事其父而致孝乎鬼神云

梓州兜率寺文冢銘

并序

文冢者長沙劉蛻復愚爲文不忍棄其草聚而封之也蛻愚而不銳於用百工之技天不工蛻也而獨文蛻焉故飲食不忘于文晦冥不忘于文悲戚怨憤疾

北海月華  
琛畢出

病嬉遊群居行役未嘗不以文爲懷也適當無事而天下將以文爲號文明代生殖明晦皆效文用故日月星辰文乎旂常昆蟲鳥獸文乎彝器徐方之士文于侯社夏翟之羽文于旌旄登龍于章升玉于藻百工婦人彫礪涂漚以供宗廟祭祀之文豈獨蛻也生知效用不及時文哉然而意常獲助于天而不獲助于人故其雖窮無憾也常勤意之時不敢噤不敢咳不敢唾不敢歧倚耆欲躁競忘之于心其祇祇畏畏如臨上帝故有粲如星光如貝氣如蛟宮之水又有黷如屯雲如久陰如枯腐熬燥之色則有如春陽如



華川透透迤迤則有如海運如震怒動蕩怪異夫十  
爲文不滿不如意少如意則豈非天助乎常欲使天  
下聞之而必行觀之而必蹈散之茫洋以爲道演之  
浸淫以及物然後爲農文之使風雨以時兵文之使  
戎虜以順文于野文于市使其所隱之士以出口者  
使之言材者使之用然而自振者無力終知者甚稀  
豈非不獲人助乎嗚呼十五年矣實得二千一百八  
十紙有塗者乙者有注楷者有覆背者有朱墨圍者  
于是以周易筮之遇復三震下坤上之同人三離下乾上筮者  
曰嗚于地中殷殷隆隆七日而復復來而天下昭融

果惡文字  
宜如此處  
宜但冠冕  
不化耳

乎他日更召龜而合將聽襲吉卜于火如秦兆惟曰  
不吉卜于水不成乎河洛兆則亦惟日不吉卜于木  
而悶悶土協吉纍纍爲冢則汲之兆乎峭峭爲壁則  
魯之兆乎且其占曰土之文爲山河爲華英將不崩  
不竭爲滋味而傳乎結爲丘陵爲其設險乎融爲川  
瀆率其朝宗乎華爲百穀以絜祭祀之粢盛乎不然  
使其速腐爲墟壤生蒨藁以食牛羊乎化塗泥爲陶  
甄以作器乎將塊爲五色而茅社分封乎流于樂爲  
土鼓爲由桴以洩其和聲乎夷爲都邑以興官廟乎  
次爲滂池以澤生殖乎祀爲壇竈乎窾爲井墓乎吾



不以文  
而其人經  
無常骨可

皆不得而知也。當既不爲吾用，唯速化爲百工之用。  
慎無朽爲芝菌，以怪人自媚。慎無堅爲金鐵，以行貨。  
起爭。慎無滴爲醴泉，以味乎諂口。慎無禱爲城社，以  
狐鼠憑妖。慎無聳爲良材，以雕斲傷性。慎無萌爲蘭  
茝，以佩服見藝。嗚呼！介而爲石，使之能言；舒而爲蟻，  
使之飲泉。旣而他年遊魂之未返者，亦命巫師而吊，  
三招之號曰：「在几閣而來歸兮！掩爲塵垢，在耳目而  
來歸兮！奄視汝醜，在口吻而來歸兮！譽不汝久，噫筆  
絕之年而麟見兮！崇文其無崇乎？哈非珠玉，歛無裙襦。  
後世詩禮之儒，無驚吾之幽墟。其冢也在莽蒼之野。」

大塊之丘。時有唐太中丁卯而戊辰之季秋。銘曰。  
文乎文乎。有鬼神乎。風水惟貞。將利其子孫乎。

與京西幕府書

漢武帝聞子虛賦。初恨不與相如。同時旣而復喜其  
人之在世也。若然者。居蓬蒿而名聞之于天子。富貴  
固不足疑。其來爵土固不足畏。其大。今按其本傳云。  
官則止于使者。居家初則甚貧。嗚呼。有才如相如者。  
好才如漢武帝。然而不達者。蛻知之矣。于時武帝以  
四境爲心。中國耗弱。爵土酬于謀臣。金帛竭于戰士。  
雖念一篇之子虛。固不能減十夫之口食。宜矣。蛻也。



不規第一

蛻嘗謂雖  
天有南無  
可置其門  
雖天有東  
不得開其  
片又曰不  
得于人必  
君得于鬼  
神今乃力  
疲而天下  
笑日暮而  
郵舍開

生值當時天下無事以文爭勝得居第一獨蛻居家  
甚困白身過于相如者蓋無人先聞子虛于天子今  
又不然使有聞之于藩翰大臣則其人自不廢棄老  
死者也。嗚呼時異矣。事古矣。相如之時雖遇天子不  
能致富貴。于今之時遇藩翰大臣則足以敘材用。伏  
惟執事以文學顯。用士之得失無不經于心。謂小生  
之言何如哉。

其西天不  
轉今必寸  
為格午風  
皆下人如  
引又曰不  
不其間其  
繼大亦其  
下置其間  
天宮南照  
報書前照

世。辨。率。以。文。學。鵬。凡。士。之。掛。夫。無。不。登。于。公。諸。小。主。  
指。姪。富。貴。于。今。之。世。凱。凱。載。飾。大。王。則。吳。以。好。格。凡。人。  
天。皆。出。如。和。却。異。矣。事。古。矣。所。以。女。亦。雖。數。初。十。不。  
又。不。然。如。亦。則。多。不。然。如。大。王。則。其。人。自。不。然。如。亦。  
甚。困。白。良。登。于。世。以。故。亦。蓋。人。亦。開。于。世。于。天。于。今。  
坐。前。當。都。天。不。其。所。以。交。與。相。并。出。策。一。圖。其。自。來。



魚江廣微  
還廟詩三  
篇

次山文獻  
然如山而  
烟雲自起

時議上篇

天子往年悲恨陵廟爲凶逆傷汗然。上皇忽南幸巴蜀哀傷宗戚多見誅害驚惶聖躬動息無所。是以勤勞不辭親撫士卒與人權位信而不疑。渴聞忠直過則善改如此所謂以弱制強以危求安。今天子重城深宮燕私而居。見旒清晨纓佩而朝。太官具味當時而食。太常修樂和聲而聽。軍國機務參詳而進。萬姓疾苦時或不聞。而廐有良馬。官有美女。輿服禮物。日月以備。休符佳瑞相繼。而有朝廷歌頌盛德大業。四方貢賦尤異品物。公族姻戚喜荷帝恩。諧臣戲官。

怡愉天顏而文武大臣至于公卿庶官皆權位爵賞  
名實之外似已過望此所以不能以強濟弱忍以未  
安忘危若天子能視今日之安如靈武之危事無大  
小皆若靈武何寇盜強弱可言當天下曰無事矣

### 時化

元子聞浪翁說化化無窮極因論諭曰翁亦未知時  
之化也多于此乎曰時焉何化我未之記元子曰於  
戲時之化也道德爲嗜慾化爲險薄仁義爲貪暴化  
爲凶亂禮樂爲耽淫化爲侈靡政教爲煩急化爲苛  
酷翁能記于此乎時之化也夫婦爲溺惑所化化爲



千車中多  
一折

犬豕父子爲惛慾所化。化爲禽獸。兄弟爲猜忌所化。化爲讐敵。宗戚爲財利所化。化爲行路朋友。爲世利所化。化爲市兒。翁能記于此乎。時之化也。大臣爲威權所恣。忠信化爲姦謀。廉官爲禁忌所拘。公正化爲邪佞。公族爲猜忌所限。賢哲化爲庸愚。人民爲征賦所傷。州里化爲禍耶。姦凶爲恩幸所迫。廝阜化爲將相。翁能記于此乎。時之化也。山澤化爲井陌。或曰。盡于草木。原野化爲狴犴。或曰。殫于鳥獸。江湖化爲鼎鑊。或曰。暴于魚鼈。祠廟化爲宮寢。或曰。數于祀禱。翁能記于此乎。時之化也。情性爲風俗所化。無不作徂。

化到聲容  
微乎微矣  
斷造化將  
相其小者  
耳

狡詐誑之心。聲呼爲風俗所化。無不作諂媚僻淫之辭。顏容爲風俗所化。無不作姦邪感促之色。翁能記于此乎。

### 世化

浪翁聞元子說時化。歎曰。吾昔聞世化可說。又異于此。昔世之化也。天地化爲斧鑕。日月化爲豺虎。山澤化爲州里。草木化爲宗族。風雨化爲邸舍。雪霜化爲衣裘。呻吟化爲常聲。糞污化爲梁肉。一息化爲千歲。烏犬化爲君子。元子惑之。浪翁曰。子不聞往昔世之化也。四海之內。巷戰門閭。斷骨腐肉。萬里相藉。天地

子以化爲  
聲慘極  
之聞



連呼人民  
豈可刪不

不僵不腐  
如何可化

非斧鑕也邪。人民暗夜一起求食。盡遊則死。傷相及。  
日月非豺虎也邪。人民相與寄身命于絕崖深谷之  
底。始能聲呼動息。山澤非州里也邪。人民奔走非深  
林蒼叢不能藏蔽。草木非宗族也邪。人民去鄉國入  
山海千里一息。力盡暫休。風雨非邸舍也邪。人民相  
持于死傷之中。裸露而行。霜雪非衣裘也邪。人民勞  
苦相寬。瘡痍相痛。老弱孤獨相苦。死亡不相救。呻吟  
非常聲也邪。人民多饑餓。溝瀆病傷。道路糞污。非梁  
肉也邪。人民奔亡。潛伏戈矛相拂。前傷後死。免而存  
者一息。非千歲也邪。僵王腐卿相枕路隅。鳥獸讓其

骨肉。烏大非君子也邪。

寤論

學奴效婢  
假寤言罵  
人忒毒矣  
元子有所

元子天寶中曾豫讌于諫議大夫之座。酒盡而無以續之。大夫歎曰。諫議冗者。貧無以繼。酒嗟哉。元子醉中議之曰。大夫頗能用一謀。令大夫尊重如侍中。威權等司隸。何若。大夫問謀對曰。得寤婢一人在人主左右。以寤言先諷。則可。請有所說。大夫不聞。古有郤侯。侯家得寤婢。寤則寤言。言則侯輒鞭之。如是一歲。婢寤如故。侯無如婢何。有夷奴每厭勞辱。寤則假寤其言。似不怨主。而若忠信。侯聞問之。則曰。素有寤病。



李商隱序

其文所謂

危苦激烈

悲憂酸傷

者也

寐中寢言非所知也。引寢婢自辨辭說云云。侯疑學  
婢鞭之不止。髡之錯之。奴寢愈甚。奴于是重窺侯意。  
先是寢說說侯之過。警以禍福。侯又無如奴。何。客有  
知侯禍機。因寢奴之先。扣侯門。諫侯以改過免禍。侯  
納客爲上賓。復其奴。命之曰。寢良氏。子孫世在于郤。  
大夫誠能學奴效婢。假寢言以規諫人主。婢悔過追  
悞。與天下如新。大夫見尊重威權。何止侍中司隸大  
夫。乃歎曰。嗚呼。吾謂今之士君子。曾不如郤侯夷奴  
耶。

### 送譚山人歸雲陽序

古文奇賞

卷六

送譚山人序

三十四

唐元結

君子胸中  
自有浩浩

吾於九疑之下賞愛泉石今幾三年能扁舟數千里  
來遊者獨雲陽譚子譚子文學隱名山野隱身雲陽  
之阿世如君何牧犢愛雲陽之宰峻公不出南岳三  
十年今得雲陽一峰下况譚子又在焉彼真可家之  
者耶子去爲吾謀于牧犢近峻公有泉石老樹壽藤  
縈垂水可灌田一夫火可燒種菽粟近泉可爲十數  
間茅舍所諧讒通小船吾則往而家矣此邦舜祠之  
奇怪陽華之殊異漣泉之勝絕見峻公與牧犢嘗一  
二說之松竹滿庭水石滿堂石魚負樽鳧舫運觴醉  
送譚子歸雲陽漫叟元次山序



唐亭銘并序

孫樵極奇  
此二銘然  
樵笏銘大  
奇

然後亭得  
而有之

浯溪之口有異石焉高六十餘丈周廻四十餘步面  
在江口東望浯臺北臨大淵南枕浯溪唐亭當乎石  
上異木夾戶疎竹傍簷瀛洲言無由此可信若在亭  
上目所厭者遠山清川耳所厭者水聲松吹霜朝厭  
者零雨方暑厭者清風於戲厭不厭也厭猶愛也命  
曰唐亭旌獨有也銘曰功名之位貴得弗士林野  
之客所耽水石年將五十始有吾亭愜心自適與世  
忘情亭傍石上篆刻此銘

浯溪銘

已為魏州  
三堂記石  
手引妻子  
左手抱琴  
書後老于  
斯以成助

浯溪在湘水之南北，匯于湘，愛其勝異，遂家溪畔。溪  
世無名稱者，余自愛之，故命之曰浯溪。銘曰：湘水  
一曲，淵洄傍山，山開石門，溪流潺潺，山闢如何，巉巖  
雙石，臨淵斷崖，隔溪絕壁，山石殊怪，石又尤異。吾欲  
求退將老，茲地溪古地荒，蕪沒已久，命曰浯溪，旌吾  
獨有人，誰游之。銘在溪口。

丹崖翁宅銘

并序

零陵瀧下三十里得丹崖翁宅

丹崖翁曰  
赤石圖

有唐節者

曾為瀧水令，去官家于座下，自稱丹崖翁。丹崖湘中  
水石之異者，翁湘中得道之逸者，愛其水石為之作



銘銘曰。瀧永未盡。瀧水猶峻。忽見淵洞。丹崖千仞。  
礧礧丹崖。其下誰家。門前斷船。籬上釣車。不知幾峰。  
爲其四牖。竹幽石磴。飛泉戶中。怪石臨淵。硿硿石巔。  
翁獨醉眠。吾欲與翁。東西茅宇。飲啄終老。翁亦悅許。  
世俗常事。阻人心情。徘徊岩下。遂刻此銘。

22

余既聞卿哥趁與余東西華宇燈灑絲步食亦到指  
其曰卿什商不藥無事言中外不朝賦賦即臣下  
部長試共不難空前大歌輸土隆車不眠幾等



中書政事堂記

唐李華

舒元興御  
史臺中書  
院記大臣  
由公相已  
下皆屏氣  
竊息注萬  
日于吾曹  
又云既寓  
于小胥我  
賓客也每  
有事而去  
則主人必  
之而入館  
諱狼藉其  
態萬變向  
之霜稜盡  
為涕唾矣  
李華御史

政事堂者自武德已來常于門下省議事謂之政事  
堂故長孫無忌起復授司空房玄齡授左僕射魏徵  
授太子太保皆知門下省事至高宗光宅元年裴炎  
自侍中除中書令執宰相筆乃移政事堂于中書省  
記曰政事堂者君不可以枉道于天反道于地覆道  
于社稷無道于黎元此堂得以議之臣不可悖道于  
君逆道于人黷道于貨亂道于刑尅一方之命變王  
者之制此堂得以移之兵不可以擅誅權不可以擅  
施貨不可以擅蓄王澤不可以擅奪君恩不可以擅

大夫璧記  
政之雄雌  
與德輕重

占今有教  
大字

間私讐不可以擅報。公爵不可以擅私。此堂得以誅  
之事不可以輕入重罪。不可以生入死法。不可以剝  
害于人。財不可以擅加于賦。情不可以委之于倖。亂  
不可以啓之于萌。伐柰不賞。削柰不封。聞荒不救。見  
饑不驚。逆諫自賢。違道傷古。此堂得以殺之。故曰廟  
堂之上。樽俎之前。有兵有刑。有挺有刃。有斧鉞。有鵠  
毒。有夷族。有破家。登此堂者。得以行之。故伊尹放太  
甲。之不嗣。周公逐管蔡。之不義。霍光廢昌邑之亂。狄  
公正廬陵之位。自君弱臣強之後。宰相主生殺之柄。  
天子掩九重之耳。燮理化爲權衡。論也。變成機。修也。



變傾身禍敗不可勝數列國有傳青史有名可以爲  
終身之誠無罪記云

弔古戰場文

見市有報  
魂魄耶破  
涕爲哭

浩浩乎平沙無垠。夏不見人。河水縈帶。群山糾紛。黯  
兮慘悴。風悲日曛。蓬斷草枯。凜若霜晨。鳥飛不下。獸  
挺亡群。亭長告余曰。此古戰場也。常覆三軍。往往鬼  
哭。天陰則聞。傷心哉。秦歟。漢歟。將近代歟。吾聞夫齊  
魏徃戍。荆韓召募。萬里奔走。連年暴露。沙草晨牧。河  
水夜渡。池濶天長。不知歸路。寄身鋒刃。膈臆誰訴。秦  
漢而還。多事四夷。中州耗斁。無世無之。古稱戎夏不

樊鑄機曲

江水伯文

溯我國室

豈明時春

珠之泉沉

彼彩船實

上夜藏舟

之堅以天

室三年之

竭也

抗王師文教失宣武臣用奇奇兵有異于仁義王道  
迂濶而莫爲嗚呼噫嘻吾想夫北風振漠翻兵伺便  
主將驕敵期門受戰野豎旄旗川迴組練法重心駭  
威尊命賤利鏃穿骨驚沙入面主客相搏山川震眩  
聲折江河勢崩雷電至若窮陰凝閉凜冽海隅積雪  
沒脛堅冰在鬚鷺鳥休巢征馬踟躕繒纊無溫墮指  
裂膚當此苦寒天假強胡憑凌殺氣以相剪屠徑截  
輜重橫攻士卒都尉新降將軍復沒屍填巨港之岍  
血滿長城之窟無貴無賤同爲枯骨可勝言哉鼓哀  
兮力盡矢竭兮弦絕白刃交兮寶刀折兩軍蹙兮生



西戰場思  
任人此立  
論大本原  
如

死決降矣哉終身夷狄戰矣哉暴骨沙礫烏無聲兮  
山寂寂夜正長兮風淅淅魂魄結兮天沉沉鬼神聚  
兮雲幕幕日光寒兮草短且色苦兮霜白傷心慘目  
有如是耶吾聞之牧用趙卒大破林胡開地千里遁  
逃匈奴漢傾天下財殫力痛任人而已其在多乎周  
逐獫狁北至太原既城朔方全師而還飲至策勲和  
樂旦開穆穆棣棣君臣之間秦起長城竟海爲關荼  
毒生人萬里朱殷漢繫匈奴雖得陰山枕骸徧野功  
不補患蒼蒼蒸民誰無父母提携捧負畏其不壽誰  
無兄弟如足如手誰無夫婦如賓如友生也何恩殺

之何咎。其存其沒。家莫聞知。人或言將信。將疑。娟娟心目。寢寐見之。布奠傾觴。哭望天涯。天地爲愁。草木悽悲。弔祭不至。精魂無依。必有凶年。人其流離。嗚呼噫嘻。時耶命耶。從古如斯。爲之奈何。守在四夷。

### 國之興亡解

爲國者。同于理身。身或不和。則藥石之鍼灸之。若夫扶疾而不攻。疾病則斃。扶之者。屍也。齊隋之亡也。以貞于終始。爲惑苟而無耻。爲明慢于事職。爲高賢見義不爲。爲長者繩違用法。則附強而潰弱也。議于得失。則異寡而同衆也。尚學希古。謂之誕。趣便中。時謂



之工觀其燥濕而輕重之。使其成敗而褒貶之。肉食  
之尊以滋味糊口。忍危亡而徼福利。自是而下。則曰  
上司猶如之我。于國何主。設能憤發。則逆爲備豫。動  
開東闌。氣沮志衰。志亦從化。倖于生者。炎炎而四合。  
死于正者。求援而無繼。麒麟  
悲鳴。鳳凰垂翅。鴟鼓害翼。犬呀毒喙。則蛇鴆虎狼之  
徒。其可向邪。嗟乎。心腹支體。一也。爲病者。萬焉。雖有  
岐緩而不請。岐緩視之而不救。噫。齊隋不亡得哉。反  
是而理。則王道易易也。

無彊頌

并序

諸君有士  
古詩集

臣華言伏以漢明帝時微外蠻夷槃木白狼獻詩歌  
德屬事史官况臣自曾祖至臣備國家職員臣又逮  
事玄宗肅宗今以餘年獲事陛下官歷御史補闕尚  
書郎命薄多病不獲奔赴闕庭恐先朝露同于泥塵  
若無歌詩頌德曾蠻夷不若也敢述列聖爲無疆頌  
式昭皇家大慶無窮謹昧死稽首以聞

高祖元頌

晉一行頌  
隋文帝時  
國紀元家  
小道自賢  
大才重意  
又曰山經

吳昊旻天

監于下

興有德

維隋之杪

時黷陰凝

陽潛未登

人思照矣

雷行龍興

盪滯雰愿



引車河海  
漫市

文明乎萬國

垂仁蒸人

載親天監

何我子孫

巍巍皇皇

後之皇

丕承之

太宗烈頌

高祖受天命

誕興太宗

成天之命

帝煬昏逾

黎人毒痛

甚藝于爐

甚溺于塗

以號以呼

呼天無辜

高祖謂太宗

爾必有天下

爾其訐謨

太宗稽首

恭授天命

臣請滌除

張我師

撫征四國

翦薙群慝

鼓一方

三方震驚

默昭其靈

隨顧而平

我負我乳

我安我成

以奉君父

以臨天下

任忠孝文武

建禮章樂舞

我雖明德

諫則納汝

時維帝降佑之

自古明后

莫如我德

我勛唐無疆

天子之無疆

本太宗休命

高宗康頌

肇為址為堂

實勒實勛

什解厥齋

丕承后

帝思不忘

靜康

不耀而光

不求而昌

台方



外達夷羌

瞻我大邦

助祭在千廟

執貢朝于王

油注時雲

用厥百穀

溲溲景風

扇彼嘉穀

飴口飽腹

以厭以足

俾壽而福

都阜成天人

中宗興頌

屏蠹之毒

疊而為蠹

謀虐天之族

天祐聖祚

八柱將覆

帝告五臣

保翼朕躬

赫赫彤彤

日升雲中

百臣受命

鉞爾頑兇

故曰再造我天下

牛人鼓舞

既成矣

又奉父母

睿宗德頌

后。威。之。禍。再。興。

有。危。兢。兢。

廟。祧。震。怒。

陰。命。聖。子。

翼。登。聖。父。

奮。其。神。旅。

宵。杖。金。斧。

殄。殲。逆。亂。

大。聖。照。臨。

元。元。宅。心。

歸。祚。于。有。功。有。德。

於。戲。盛。德。

玄宗文頌

御製泰山頌  
開封武稱有藏文表時雍

丕。鑠。玄。宗。之。明。

克。孝。克。仁。

允。武。允。文。

宣。祖。宗。之。光。

垂。於。子。孫。

盛。禮。畢。舉。

大。樂。畢。陳。

百。蠻。來。賓。

元。元。阜。殷。

張說開元  
頌鳴絲鶴  
舞調翦猿  
愁又曰天  
清日朗神  
韻如答張  
九齡龍池

戎。或。不。賓。

遣。師。徂。征。

罔。不。頓。顙。



其祥大  
濟生人者  
其祥大

路○于○雷○霆○  
中○都○繫○考○  
誅○千○萬○人○  
誅○沛○賓○客○  
楚○獄○連○年○  
猶○曰○漢○祚○宜○長○  
至○于○玄○宗○  
誕○告○郡○國○  
追○懷○登○遐○  
養○鱗○介○族○

在○漢○方○昌○  
六○萬○餘○人○  
其○後○賢○王○  
以○千○以○百○  
坐○死○待○捕○  
越○我○祖○宗○  
哀○彼○鉄○鑕○  
大○爲○屋○室○  
止○害○禽○畜○  
既○濡○既○渥○

用○刑○慘○酷○  
使○者○案○錄○  
光○武○赫○赫○  
孝○明○稱○賢○  
以○萬○以○千○  
不○忍○用○刑○  
降○爲○鞭○扶○  
醫○彼○百○疾○  
旁○爲○陂○池○  
昆○蟲○草○木○

享國五十年

天念蒸人

乃告元子

命元子受圖

歸于國都

傳聖自頤

之道之純

肅宗孝頌

穆穆孝慈

爰訓六師

寓縣晏然

若曰寧我負耻

理兵朔鄙

天下既定

無不欣愉

升靈太微

不可度思

有如肅宗之誠

震登北陲

逆臣犯天

不忍人戰死

西幸蜀都

父堯子舜

無不涕濡

嗚呼上聖

達于神祇

陵雷駭



西戎南蠻

北狄東夷

咸舉其旂

佐皇之威

帝心如天

無噬無慾

騶然丘岳

破裂崖谷

逆隸傾覆

朝社大復

屈于海之外服

以盥以濯

以舞以躍

帝在東宮

孝如文王

蒸蒸其心

天地知其孝

旣收鎬洛

祀于靈廟

奉迎上聖

天日並照

有兇有孽

將噬將齧

我旂方設

則已顛蹶

如燁于雪

尊嚴而仁

仁覆而嚴

大臣小臣

莫不潔廉

躬勤百度。

百度如其素。

今上照頌

大邦之興

維天相之

曷興曷相

李德裕贊  
武宗真容

有德繼王

昔殷王

盤庚武丁

曰至于天  
光時清日

紹登殷明

矧我帝君

丕承天命

爭明潤非  
引圖也

疊引其慶

生我皇聖

幼冲聖敬

寔左右肅宗

開國御戎

群師稟教

舉則成功

自西自東

如霆如風

蕩滌元兇

罔不率從

既登大位

於變時雍

人咸曰

上如太宗



延億兆斯年

地博天崇

罔不爾容

玄宗元孫

為玄宗烈文

肅宗元子

承肅宗孝理

韓公廟碑銘

此左學大  
師右生  
慶之筆

唐○之○元○老○有○大○庇○于○生○人○曰○韓○公○公○盡○力○大○朝○位○尊○  
將○相○三○城○立○廟○軍○帥○乞○靈○則○祠○之○天○寶○季○歲○華○奉○使○  
朔○方○展○敬○祠○下○式○瞻○風○采○像○與○神○合○沈○沈○如○生○嗚○呼○  
生○以○功○為○臣○歿○以○靈○為○神○神○乎○宜○奉○公○總○戎○疆○外○懸○  
衡○審○政○拒○隴○循○河○綿○亘○萬○里○堅○城○雄○防○扞○蔽○三○輔○介○  
冑○之○士○垂○十○萬○人○瞻○我○麾○節○以○為○進○退○先○是○突○厥○犯○

塞乘勝人朔方游騎至安定守軍不到經略失守虜  
乃驅監牧之騾牝退存廬帳進圍聚邑鳴弓躍馬規  
復漠南邊人搖心元聖軫念節將更至咸以爲請縉  
紳獻議則以和親爲便中宗未之許也初以公耄老  
且重煩之及卜師于太宮之庭惟公之吉至尊親臨  
前殿授以兵符公承命徂征北蕃逆駭記所謂君子  
有其時有其命公得其二而伸其一者也公忠貫神  
明慮幾造化鎮以長策潰其姦謀一麾偏師屠名王  
復喪馬奪壘拂雲維而城之並河之阿列築三鎮將  
精士銳談笑就役匈奴莫敢南視雷哭而遁老幼望



公以相震怖不然則乘水轉聞無日無之既而據河  
山翫其動靜納行旅歸之衽席憑塘而望匹馬單兵  
不匿形影虜由是械手足而剗腹心朝廷無草竊之  
虞天下減征役之半矣詩云文武吉甫萬邦爲憲又  
曰方叔元老克壯其猷公之謂也帳下之屬尚有存  
者曰公號令素嚴人無違禁自將吏騎卒咸有旗表  
節不常出出則賞罰隨之賞非未功罰無非罪上流  
而下競心行而事從謀全功成由此術也三城旣就  
刊木標櫓記之種落刻其降年後皆如之豈挺生上  
將之龜策也奇鑿先物之然也夫鳥獸草木出其倫

革猶或利害憑焉。况殊績功勲終始天地翼輔先聖。  
寵綏元元有茅社之尊符節之重後奉者果一勝遂。  
一謀庸非明神幽贊之效雅有吉甫薄伐至于太原。  
王命南仲城彼朔方傳稱齊桓伐戎攘狄以其病燕。  
滅衛魏絳和戎狄合諸侯從古及今以爲大功其餘。  
秦恬漢青之倫纔丘垤耳尚或筮頌颺之簡策貴之。  
况忠武卓異屢履今昔而咏歌無之非古也竊感趙。  
孟懷隨武之德寤寐永歎奉銘神宮其文曰 赫爾。  
韓公司武有經受命北伐渠魁就刑敢或不順鼓行。  
風霆崇岱壓卵滄波灌螢沈泉雷動機發冥冥功奮。



妙可感

三城人謠億齡謀出先後橫危于寧張天之威恢廟  
之靈北狄頻額山戎來庭萬里寢折緣河罷局趨拜  
故祠德謝惟馨翔野何有群山青青感激遺風徘徊  
涕零吾誰與歸式薦斯銘

元魯山墓碣銘

維唐天寶十二載九月二十七日魯山令河南元公  
終于陸渾草堂春秋五十九服名節者無不痛心嗚  
呼堂內有篇簡巾褐枕履琴杖簞瓢而已堂下有接  
賓之位孤甥受學之室過是而往無以送終名高之  
士陸渾尉梁園喬渾賻以清白之俸遂其喪葬以明

月十二日寔于所居南岡禮也公諱德秀字紫芝延  
州使君之子公自幼居貧累服齊斬故不及親在而  
娶既孤之後單獨終身人或以絕後諭焉對曰兄有  
息男不曠先人之祀矣歷官俸祿悉以經營葬祭衣  
食孤遺代下之日柴車而返南游陸渾考一畝之宅  
發八笥之直唯匹帛焉居無扃鑰牆藩之禁達生齊  
物從其所好時屬歉歲涉旬無烟彈琴讀書不改其  
樂好事者携酒食以漬之陶陶然脫遺身世涵泳道  
德拔清塵而棲顙氣中古以降公無比焉知我或希  
晦而不耀故也是宜爲國老更論道佐世而羔雁不



至歿于空山。可勝慟耶。所著文章。根玄極則。道淡寄  
情性。則玄于思。善人則禮水。多能而深。則廣。吳公子  
觀樂。曠達而妙。則現。題窮于性命。則塞。士賦。可謂與  
古同轍。自爲名家者也。又其惡萬金之藏。鄙十卿之  
祿。富貴之辯。吾得其真。至哉元公。越軼古今。冲遂冥  
冥。純朗朴渾。範于生靈。凡與門人。吟慕遺風。謚曰文  
行先生。從古也。

行坐坐。古也。此後世所無。以經者。其  
 矣。漢時。係於。于坐重。以與門人。卒慕。風。豈曰文。  
 新。高。貴。之。權。皆。併。其。德。至。斯。故。公。執。持。古。今。中。聖。實。  
 古。同。辦。自。然。珍。樂。青。丹。又。其。烈。萬。金。年。端。惜。十。段。步。  
 舞。樂。翻。鼓。而。收。復。其。戰。德。千。計。命。阻。難。士。報。而。能。處。  
 出。封。閣。立。于。屋。簷。入。車。轡。水。寒。空。所。流。則。謝。吳。公。子。



錄桃源畫記

唐舒元興

四明山道士葉沈囊出古畫畫有桃源圖圖上有谿  
谿名武陵之源按仙記分靈洞三十六之一支其水  
趣流勢與江河同有深而淥淺而白白者激石淥者  
落鏡溪南北有山山如屏形接連而去峰豎不險翠  
穠不浮其夾岬有樹木千萬本列立如揖月色鮮如  
霞擢舉欲動燦若舒顏山鋪朱底草散茵毯有鸞青  
其衿有鶴丹其頂有鷄玉其羽有狗金其色毛僬僬  
亭亭間而立者十有八岬而北有曲深崑門細露  
室宇霞檻繚轉雲磴五色雪冰肌顏服身衣裳皆負

米南宮文  
倣此而味  
薄矣

星。月。文。章。岼。而。南。有。五。人。服。貌。肖。虹。玉。左。右。有。書。童。  
玉。女。角。髮。而。侍。立。者。十。二。視。其。意。况。皆。逍。遙。飛。動。若。  
雲。十。許。片。油。焉。而。生。忽。焉。而。往。其。坦。處。有。壇。層。級。沓。  
玉。冰。壇。面。俄。起。燼。竈。竈。口。含。火。上。有。雲。氣。且。備。五。色。  
中。有。溪。艇。泛。上。一。人。雪。華。鬢。眉。身。着。秦。時。衣。服。手。鼓。  
短。樅。意。狀。深。遠。合。而。視。之。大。略。山。勢。高。水。容。深。人。貌。  
鬼。竒。鶴。情。閑。暇。烟。嵐。草。木。如。帶。香。氣。熟。得。詳。翫。自。覺。  
骨。戛。清。玉。如。身。入。鏡。中。不。似。在。人。寰。間。眇。然。有。高。謝。  
之。志。從。中。坐。來。少。選。道。士。卷。畫。而。藏。之。若。身。形。却。落。  
塵。上。中。視。嚮。所。張。壁。上。又。凝。有。頑。石。化。出。塞。斷。道。路。



其見畫物不甚寡如此圖未嘗到眼是知工之精而有如是者邪葉君且自珍重無路得請遂染筆錄其名數將所以備異日寫畫之不謬也

### 上論貢士書

楊琯疏古人比文章于鄭衛六經則未嘗開卷三史則皆同挂壁

臣年二十三學文成立爲州縣察臣臣得備事土貢士之數到闕下月餘待命有司始見貢院懸版樣立束縛檢約之目勘磨狀書劇責與吏胥等倫臣幸狀書備不被駁放得引到尚書試試之日見八百人盡手携脂燭水炭泊朝晡餐器或荷于肩或提于席爲吏胥縱慢聲大呼其名氏試者突入棘圍重重乃分

醉登舉擇  
賢才疏連  
篇累牘不  
出月露之  
形積索盈  
箱惟是風  
雲之狀又  
日上啓陳  
詩唯希咳  
唾之澤摩  
頂至足冀  
荷提攜之  
恩可以參  
觀

坐。廡。下。寒。餘。雪。飛。單。席。在。地。嗚。呼。唐。虞。闢。門。三。代。貢。  
士。未。有。此。慢。易。者。也。臣。見。今。之。天。下。貢。士。既。如。此。有。  
司。待。之。又。如。此。乃。益。大。不。信。古。聖。人。言。及。觀。今。之。甲。  
賦。律。詩。皆。是。偷。折。經。誥。侮。聖。人。之。言。者。乃。知。非。聖。人。  
之。徒。也。臣。伏。見。國。朝。開。進。士。一。門。苟。有。登。升。者。皆。資。  
之。爲。宰。相。公。侯。卿。大。夫。則。此。門。固。不。輕。矣。凡。將。爲。公。  
侯。卿。相。者。非。賢。人。君。子。不。可。有。司。坐。舉。子。于。寒。廡。冷。  
地。是。比。僕。隸。已。下。非。所。以。見。徵。賢。之。意。也。施。棘。圍。以。  
截。遮。是。疑。之。賊。姦。徒。黨。非。所。以。示。忠。直。之。節。也。試。甲。  
賦。律。詩。是。待。之。以。雕。蟲。微。藝。非。所。以。觀。人。文。化。成。之。



酷似

道也有司之不知其爲弊若此臣恐賢人君子遠去  
不肖汚辱爲陛下用且指近陳之今四方貢珠玉金  
銀有司則以篋筐皮幣承之貢賢才俊又有司以單  
席冷地承之是彰陛下輕賢才而重金玉也賢才恥  
之臣亦恥之臣又見每歲禮部格下天下未有不  
察訪行實無頗邪然後上貢苟不如格抵罪舉主臣  
初見之竊獨心賀謂三代之風必作于今日矣及格  
既下而法不下是以歲有無藝朋黨譁然扇突不可  
絕此又惡用格爲徒亂人耳又于格中程之人數每  
歲多者固不出三十少或不滿二十此又非天子納

快心之談

士之心也。何以言之。今日月出沒。皆爲陛下內地。自漸海流沙朔南。周環綿億萬千里。其間異氣所鍾。生英豪俊彥。固不少矣。若陛下明詔。必以禮舉之。忽一歲之內。有百數元凱楊馬之才德者。來之則有司必曰。吾格取二十。而黜八十。是爲求賢邪。遺賢邪。若有司以僕隸待之。忽一歲之內。負才德來者。無十數輩。則有司必曰。吾拔二十。是謬收其半。徒足滿人數。是爲取才邪。是爲取合格邪。其不可先定人數。亦昭昭矣。陛下無以臣迹在貢士中。疑臣自謂。臣雖不敏。竊窺太常一第。不爲難得。何以明之。若使臣爲今日貢



士之體事便僻巧佞馳騫關鍵固臣之力所不能也  
恥不爲也故互以頑才于有司得之固無忝不得則  
納履而去蹤跡巢由以樂陛下熙熙之化何往而無  
泉石之怪哉

可以能勝之者一歲之內負才德者非十數年

是不及到若耳後二十是謂彼其半是謂人

知到而去雖利巢由以樂田下無想之出也

知休為想姑區以逐水主林街辟之開血

士之節事與利欲對觀雖顯顯也出修其心不計止



張長史十二筆意述

唐顏真卿

此中有深  
意。文亦  
冠絕

予罷秩醴泉特詣東洛訪金吾長史張公請師筆法  
長史於時在裴宅憩息已一年矣師公者甚衆求筆  
法或有得者皆曰神妙一日長史乃左右盼視拂然  
而起僕乃從行來至竹院小堂公乃當堂踞坐而命  
僕居乎小榻言曰筆法玄微難妄傳授非志士高人  
詎可言其要妙夫平謂橫子知之乎僕曰嘗聞長史  
每令爲一平畫皆須縱橫有象非此之謂乎長史曰  
然直謂縱子知之乎曰豈非直者必縱之不令邪曲  
之謂乎曰然均謂問子知之乎曰嘗蒙示以間不容

髮其此之謂乎。曰然。密謂際子知之乎。曰豈非謂築  
鋒下筆皆令完成不令甚疎之意乎。曰然。鋒謂未子  
知之乎。曰豈非未已成畫復使鋒健之意乎。曰然。力  
謂體骨子知之乎。曰豈非謂趯筆則點畫皆有筋骨  
字體自然雄媚之意乎。曰然。輕謂曲折子知之乎。曰  
豈非鈎筆轉角折鋒輕過亦謂轉角爲暗過之謂乎。  
曰然。決謂牽掣子知之乎。曰豈非謂牽製爲筆銳意  
挫鋒使筆不怯滯令險峻而成之謂乎。曰然。益謂不  
足子知之乎。曰豈非謂結構點畫有失趣者則以別  
點畫偏旁救應之謂乎。曰然。損謂有餘子知之乎。曰



皇長史所謂趣長筆短雖點畫不足常使意氣有餘  
乎曰然巧謂布置子知之乎曰豈非欲書預想字形  
布置令其平穩或意外生體令有異勢乎曰然稱謂  
大小子知之乎曰豈非大字促令小小字展令大兼  
令茂密乎曰然子言頗皆近之矣夫書道之妙妙在  
執筆令得圓轉勿使拘攣其次在識筆法其次在于  
布置不慢不越巧便合宜其次紙筆精佳其次變通  
適懷縱舍掣奪咸有規矩用筆當須知如錐畫沙如  
印印泥用鋒常欲使其透過紙背久之自然齊于古  
人矣

浪跡先生玄真子張志和碑

士有牢籠太虛。撒掖玄造。擺元氣而詞鋒首出。軋無間而理窟肌分。其惟玄真乎。玄真子姓張氏。本名龜齡。東陽金華人。父遊朝清真好道。著南華象說十卷。又著仲虛白馬非馬證八卷。代莫知之。母留氏夢風生腹上。因而誕焉。年十六。遊太學。以明經擢第。獻策肅宗。深蒙賞重。令翰林待詔。授左金吾衛錄事參軍。仍改名志和。字子同。尋復貶南海尉。經量移。不願之。任得還本貫。既而親喪無復宦情。遂扁舟垂綸。浮三江。返五湖。自謂烟波釣徒。著書十二卷。凡三萬言。號



俱是忙境

玄真子遂以稱焉。客或以其文論道，從橫謂之造化。鼓吹京兆韋誼爲作內解。玄真又述大易十五卷，凡二百六十有五卦，以有亡爲宗，觀以爲碧虛金骨。兄浦陽尉鶴齡亦有文學，恐玄真浪跡不還，乃於會稽東郡買地結茅，坐以居之。閉竹門十年，不出吏人嘗呼爲桐河大執畚，就役曾無忤色。又欲以大布爲褐，表嫂徐氏聞之，手爲織纈一製。十年方暑不解，所居草堂椽柱皮節皆存，而無斧斤之跡。文士效柏梁體作歌者十餘人。浙東觀察使御史大夫陳公少游聞而謁之，坐必終日，因表其所居曰玄真坊。又以門巷

湫隘出錢買地以立開闔旌曰廻軒巷乃命評事劉

太真爲序因賦柏梁之什文士詩以美之者十五人

既門隔水流十年無橋陳公遂爲建造行者謂之大

夫橋常以豹爲席驥皮爲屨隱素木几酌斑螺杯鳴

榔拏枝隨意取適垂釣去餌不在得魚肅宗嘗賜奴

更多事

婢各一玄真配爲夫妻夫曰漁童妻曰樵青人問其

故漁童使捧釣收綸蘆中鼓枻樵青使蘇蘭薪桂竹

裏煎茶竟陵子陸羽校書郎裴修嘗問有何人往來

荅曰太虛作室而共居夜月爲燈以同照與四海諸

更多累

公未嘗離別有何往來性好畫山水皆因酒酣乘興



擊鼓吹笛或閉目或背面飛翬應節而成大曆七年  
秋八月訊真卿於湖州真卿以舴艋既敝請命更之  
荅曰儻惠漁舟願以爲浮家汎宅沿沂江湖之上往  
來茗雪之間坐夫之幸矣然立性孤峻不可得而親  
疎率誠澹然人莫窺其喜愠視軒裳如草芥屏嗜慾  
若泥沙希跡乎丈夫同符乎古作者莫可測也忽焉  
去我思德之深曷以寘懷寄諸它山之石銘  
元玄真超隱淪齊得喪甘賤貧泛湖海同光塵宅漁  
舟垂釣綸輔明主若斯人豈烟波淪此身

[illegible]



肅然像  
然清廟  
之文

改修吳延陵季子廟記

唐蕭定

有吳之興也。泰伯讓以得之。有吳之衰也。季子讓以失之。爲讓之情同。而興衰之體異。何哉。泰伯之讓。讓以賢也。故周有天下。而吳建國焉。季子之讓。讓也。當周德之衰。而吳喪邦焉。或曰。非所讓而讓之。使宗祀滋絕。而不血食。豈曰能賢。斯可謂知存而不知亡者矣。夫治亂時也。興亡運也。故至至而不可卻。終終而不可留。黃河既濁。阿膠無以正其色。鹽池斯鹹。弊簞不能筐其味。與夫當濁亂之世。召力勝之戎。讓與爭孰賢乎。易曰。知幾其神。則季子之見。可謂知幾。

矣。季子之明可謂知進退存亡而不失其正矣。至于  
聽樂辨列國之興亡。審賢知世教之存沒。挂劒示不  
言之信。避國保無欲之貞。故有吳之祀寂寥而延陵  
之饗如在。玄風可想。至德興歎。美之辭哲人。其萎表  
墓著嗚呼之篆。向微德仁兩至。則夫子不復歎焉。詳  
其精義被物。鈞深致遠之旨。烏可究其津涯。而窺其  
牆仞哉。是知讓之爲德。在于生靈不獨其子孫明矣。  
國有祀典。人懷永思。定忝列藩條。欽崇懿範。于以加  
敬嚴乎闕官。別閨壺之内外。正衆神之聚位。舊以泰  
伯之廟。在于蘇臺。而制季子之祠。像設東面。非由典



孟浩然集序

王士禛

孟浩然字浩然襄陽人也骨貌淑清風神散朗救患  
釋紛以立義表灌蔬藝竹以全高尚交游之中通脫  
傾蓋機警無匿學不爲儒務掇菁藻文不按古匠心  
獨妙五言詩天下稱其盡美矣間遊祕省秋乃新霽  
諸英華賦詩作會浩然句曰微雲淡河漢疎雨滴梧  
桐舉坐嗟其清絕咸閣筆不復爲繼丞相范陽張九  
齡侍御史京兆王維尚書侍郎河東裴朏范陽盧僎  
大理評事河東裴總華陰太守鄭倩之守河南獨孤  
策率與浩然爲忘形之交山南採訪使本郡守昌黎

韓朝宗謂浩然間代清律寘諸周行必咏穆如之頌  
因入奏與偕行先揚于朝與期約日引謁及期浩然  
會寮友文酒講好甚適或曰子與韓公預諾而怠之  
無乃不可乎浩然叱曰僕已飲矣身行樂耳遑恤其  
它遂畢席不赴由是間罷旣而浩然亦不之悔也其  
好樂忘名如此士源它時嘗筆讚之曰導漾挺靈寔  
生楚英浩然清發亦其自名開元二十八年王昌齡  
游襄陽時浩然疾疝發背且愈相得歡甚浪情宴謔  
食鮮疾動終于治城南園年五十有二子曰儀甫浩  
然文不爲仕佇興而作故或遲行不爲飾動以求真



禮諒無取焉。必也正名。于是乎在所報獻奠。贊幣宜  
列于軒廂。春秋禮薦俎豆。當陳于正寢。俾觀象者識  
賢人之遺風。可律審度者。知經德之禮秩。無差末學  
陋辭。不足頌其休烈。寒來暑往。敢用同于紀年。時大  
唐大曆十四年歲在己未八月戊戌朔二十七日甲  
子記

秋大報千四半歲亦已未八月以歲二十日止  
時歲次以除其外照乘來各縣以日午時止  
資人立其風下輪審變青縣縣將此縣縣縣  
縣子神誠維州縣縣縣縣縣縣縣縣縣縣縣  
縣縣縣縣縣縣縣縣縣縣縣縣縣縣縣縣縣



真作者

故似謾游不爲利期以放性故常貧名不繼於選部  
聚不盈於檐石雖屢空不給而自若也士源幼好名  
山行年十八首事陵山踐止恒嶽咨求通玄丈人又  
過蘇門問道隱者元知運太行採藥經王屋小有洞  
太白習隱訣終南修亢倉子九篇天寶四載徂夏詔  
書徵謁京邑與冢臣八座討論山林之士膺至始知  
浩然物故嗟哉未祿于代史不必書安可哲蹤妙韻  
從此而絕故詳問文者隨術所論美行嘉聞十不紀  
一浩然凡所屬綴就輒毀棄無復編錄常自歎爲文  
不逮意也流落旣多篇章散逸鄉里購採不有其半

敷求四方。往往而獲。既無他事。爲之傳次。遂使海內  
衣冠縉紳。經襄陽。思覩其文。蓋有不備見而去。惜哉  
今集其文詩二百一十八首。分爲四卷。詩或缺逸。未  
成。而制思清美。及他人訓贈咸錄。次而不棄耳。

孟浩然眉毫盡落。裴祐袖手衣袖至穿。王維至走  
入醋甕。皆苦吟者也。



女媧陵記

唐喬 渾

登黃龍古塞望洪河中流。歸然獨存。大浸不溺者。媧皇陵也。夫巨靈擘太華。蹶首陽。導河而東。以洩憤怒。雖有重丘太阜。險狹之口。罔不漱之。爲黃壤汨之。於旋波不可復振。奔崩而下矣。女媧氏已然之後。豁爾之衝。天險束阨。風濤鼓作。乃能中乾外禦。特立萬年。其憑神可知也。水無盈縮之度。陵有高卑之常。霖潦漲之。雨浹沒矣。於是乎不爲之小。而就其深。旱暵滲之。狐嶼出矣。於是乎不爲之大。而就其淺。非夫巨靈壯趾以固本。河伯高肩以承隅。胡然動靜適因其時。

升降不失其則。維浮二岳。以風雨合離。蓬萊五山。以  
波潮上下。不復故道。遂違常流。甚相遠矣。君子曰。夫  
能屠黑龍。涸九州。况乎一水之上。而自爲謀。夫能斷  
鼇足。立四極。况乎數仞之高。而自爲力。神人之易昧  
者。難知。密邇山谷。森羅物象。莽莽蘆渚。寧非止水之  
餘。嶄嶄石林。猶有補天之色。搖演空曲。精靈若存。且  
夫上無積草。表以孤樹。常感風氣。纖條悲鳴。若冥應  
盼。蠶鼓簧而吹笙。由是憧憧往來。無不加敬。山有梅  
栗。關吏羞焉。水有菱芡。舟人莫焉。冢之木。無或斬焉。  
陵之土。無或抔焉。是則馨香已陳。而焦蘇自禁矣。故



聖人取薄葬。去厚送。驪山之銀海魚燈。虎丘之金精  
龍。劍鋼之其內。散之其間。適爲大盜之守。未足藏身  
之固。彼橋山帝丘。九疑會稽。皆因山而墳。未聞其諸  
者。余謂媯皇受命在火。火以示水。谷不爲陵。開門負  
固。日用其力。不然其隙地。豈必封崇乎。是故觀而志  
之。爲城冢後記。

卷八

其

韻

一



故四鎮北庭行營節度使扶風郡王贈司徒馬

公神道碑

唐常袞

李璣銘牛  
僧孺曰天  
琢河圖有  
國之大寶  
王者之嘉  
瑞方于賢  
彦即又次  
馬  
裴廖銘李  
晟曰獲露  
如風振稿  
叶戴君若  
龍冠靈山  
橫流之中  
一匡而定  
又日每一

皇帝使常侍以故征西扶風郡王臣璘功行之錄詔  
門下侍郎平章事臣袞曰古諸侯大夫計功稱伐書  
于太常勒之彝器德勲高故其文懿事業實故其言  
遠有國之大經也納忠于王室豈褒紀之禮闕歟宜  
文其頌聲以昭示承休于豐碑焉臣謹按司勲之戎  
籍史官之年表而敘之云聖人稽黃虞之道以武功  
文德統御天下赫赫明明罔不率俾唯犬戎自擅寇  
于我西土而猶懷以威德久而浸驕時乃大稽命將

古文詩賞

卷六

馬司徒神道碑

奎

常袞

言一書聲  
發俱發

考之令典惟三年夏六月庶邦百辟洎侯王列將咸  
會于明廷乃大誥于爾在位有能典我西師僉曰璘  
哉是用詔以鷹揚之命于夏有鸞旂琕戈之賜公拜  
手稽首不敢辭難遂帥師朝那弭節涇流恢耀武威  
以臨于戎狄既至乃以戎服立于軍門之外奉敕天  
子之威命而訓于將軍列校六正五吏三軍之大夫  
曰惟昔盛明必有憂難其在殷高宗也有鬼方之征  
其在周文祖也有昆夷之患秦以安定北地戎狄內  
侮漢以金城隴西氏羗入寇故遣率以守衛中國修  
戰而高尚武力國家道德盛于殷周甲兵富于秦漢



亦有遑患尚勞睿謀則疆臣之罪也將何以塞責誓  
將上奉神武之笑下憑戎士之力鼓行而前殄戮群  
慝詞情抗厲風雲動色于是軍舉法以誓之令簡而  
一衆畏而服雖嘯喑老將聞而竦然乃周覽其山川  
以備其戰守有若犀兕其威貍豸其勇屹立而不動  
者持重之將統焉禦于水硤之衝蒙輪超乘縵胡突  
矚眈盼而橫奮者雄毅之將董焉捍于瓦亭之陰輕  
軒飛翰闐闐桓桓隸于射聲校尉以出松谷百夫之  
特萬人之敵屬于車師後部以殿銅城火渠門之旗  
舒于大回川雷密須之鼓殷于都廬山周之以木樵

校聯布之以簡石渠。荅部勒既定。天地肅然。遂使魁  
健氣索。猛鷲魂駭。卻略引去。不敢近塞。故八年之間。  
再寇而已。此皆親稟睿畧。協用武經。前後獻功。悉如  
宸旨。方將大復流沙。遠收故地。奪我良將。罔卒西事。  
以大曆十一年月日薨于戎府。春秋五十六。天子廢  
朝而歎曰。安得雄邊威敵之臣。如扶風乎。遣中命以  
迎喪。顧近侍而流涕。其至第也。百官會弔。其遣奠也。  
五校啓行。賄以車馬。哈有貝玉。所以褒大勲也。初。公  
自二庭統甲士三千赴鳳翔。行在達陳。滅胡之策。先  
皇帝奇之。曰。吾無憂于東方也。遂戰青渠。陣澧水。收



二陝復三川衛南以百騎破五千河陽以一旅摧千  
萬史朝義悉師自將大戰邛山國家以天下勁兵夾  
攻未動公獨率所部不陣而馳偃旗先登闕如虓虎  
鬪酣披靡橫貫而出迴戈奮擊虜陣始破交突數合  
轟然大潰時副元帥太尉光弼壯之曰吾用兵三十  
年未見以少擊衆雄捷之若此每有征伐大計悉咨  
訪焉斯亦群帥之傑旣而移軍右輔疾拔河西固已  
離之心存將棄之地及聞僕固懷恩之變卽日旋師  
萬類千群延蔓山谷輕行轉鬪殺虜而歸屈于岐都  
寇已四合公乃持滿外嚮全入懸門未及解甲背城

出戰、戎師北走、數騎前追、背血橫灑、朱殷金甲、禍載、而墜、應弦而倒者、數千萬人、可謂三軍之絕也、年二十、讀伏波傳、至大丈夫當于邊野以馬革裹屍而還、慨然而歎曰、豈使吾祖勲業墜于地乎、由是愾憤、邊戎徘徊、孤劒遂西至絕域、以奇功累授裨將、歷金吾將軍、殿中監、太保、御史中丞、遷御史大夫、領北庭行軍使、邠州刺史、加工部尚書、節制涇原、以鄭賴二州、餘之壽、拜右僕射、知省事、階至儀、同進封異姓副軍、以降畧而不書、以英明之識、遇聖明之運、故得竭其智謀、極其任遇、抗大節以激危難、攄洪仁以庇傷殘、



公之理軍也。以穰苴兵法。孫子十三篇。先以正合。終以奇勝。閑廓深邃。應變無端。與之安。與之危。故可合。不可離。同其敗。同其成。故樂死不樂生。至于木罌濟河。登山拔淵。解鞍而臥。鞭馬而馳。兼之有餘。亦不差異。嘗以家財二百萬。贍三軍。與其散已。食于行伍。陳賜金于廊廡。何相去之遠哉。

顯金千瀾燕砂昧去之鼓浩

其膏以奉相二百萬銀三軍與其靖日食于亦丑刺

所登山赴敵糧難而烟燭訓而蛄燕之亦餘亦不美

不可轉回其類同其為姑樂或不樂主至于木墨新

以新類開和系數觀變無辭與之安與之武姑百令

公之驛單也其財其兵其財其兵其財其兵其財其兵



興元奏請許渾瑊李晟等諸軍兵馬自取持便

狀

唐陸贄

公奏議

所日夕

調顧非

章章

一以概

右欽澈奉宣聖旨省卿所奏蕃軍退歸及關中體勢  
理皆切當甚慰朕懷然渾瑊李晟等諸軍須有商量  
規畫今其進取朕見欲遣使宣慰卿宜審細條疏速  
奏來者臣聞將貴專謀兵以奇勝軍機遙制則失變  
戎師稟命則不威是以古之賢君選將而任分之於  
聞誓莫于也授之以鉞俾專斷也夫然故軍敗則死  
衆戰勝則策勛不用刑而師律貞不勞慮而武功立  
其於委任之體豈不博大哉其于責成之利豈不精

古文奇賞

卷六

奏請許渾瑊李晟等狀

空

陸贄

覈哉。自昔帝王之所以夷大艱。成大業者。由此道也。其或疑於委任。以制斷。由已爲大權。昧於責成。以指麾順旨。爲良將。鋒鏑交於原埜。而決策于九重之中。機會變於斯須。而定計於千里之外。違令則失順。從令則失宜。失順則挫君之嚴。失宜則敗君之衆。用舍相礙。否臧皆凶。上有掣肘之譏。下無死綏之志。其于分畫之道。豈不兩傷哉。其於經綸之術。豈不都謬哉。自昔帝王之所以長亂。繁刑。喪師。蹙國者。由此道也。茲道得失。兵家大樞。當今事宜。所繫尤切。蓋以寇盜充斥。乘輿播遷。人心有觀變之搖。王室無自固之重。



秦梁廻繚千里而遙臨之以威。則力勢不制。授之以策。則阻遠不精。頃者驟降詔書。教諭群帥。事亡大小。悉爲規裁。及乎章表陳誠。使臣復命。進退遲速。率乖聖謀。豈皆樂於違忤哉。亦由傳聞與指實不同。縣筭與臨事有異故也。設使其中或有肆情奸命者。陛下能於此時戮其違詔之罪乎。臣竊恐未能也。陛下復能奪其兵而易其將帥乎。臣亦恐未能也。是則違命者既不果行罰。從命者又未必合宜。徒費空言。祇勞睿慮。匪唯亡益其損實多。何則。時方艱屯。下陵上替。凡在執于戈而衛社稷者。皆自謂勛業。由已。義烈發。

此亦踴足  
之智也

心。安。於。專。行。病。於。羈。制。陛。下。宜。俯。徇。斯。意。因。而。委。之。  
遂。其。所。安。護。其。所。病。敦。以。付。授。之。義。固。以。親。信。之。恩。  
假。以。便。宜。之。權。待。以。殊。常。之。賞。其。餘。細。故。悉。勿。關。言。  
所。賜。詔。書。務。從。簡。要。慎。其。言。以。取。重。深。其。託。以。示。誠。  
言。見。重。則。君。道。尊。託。以。誠。則。人。心。感。尊。則。不。嚴。而。衆。  
服。感。則。不。令。而。事。成。其。勢。當。令。智。者。騁。謀。勇。者。奮。力。  
小。大。咸。極。其。分。賢。愚。各。適。其。懷。將。自。效。忠。兵。自。樂。戰。  
與。夫。迫。於。驅。制。不。得。已。而。從。之。者。志。氣。何。啻。百。倍。哉。  
夫。君。上。之。權。特。異。臣。下。者。唯。不。自。用。乃。能。用。人。其。要。  
在。順。於。物。情。其。契。在。通。於。時。變。今。之。要。契。頗。具。于。茲。



兩漢辯亡論

唐權德輿

古所謂所以亡者。皆曰莽卓。予以爲莽卓篡逆。汗神  
器以亂齊民。自賈夷滅。天下耳目。顯然聞知。靜微厥  
初。則亡西京者。張禹。亡東京者。胡廣。皆以假道儒術。  
得伸其邪心。徼一時大名。致位公輔。辭氣所發。損益  
繫之。而多方善柔。保位持祿。或陷時君。以滋厲階。或  
附凶沴。以結禍胎。故其蕩覆之機。篡奪之兆。皆指導  
馴致之。雖平祀相遠。猶手授頤指之然也。其爲賊害。  
豈直莽卓之比乎。且出不越境。書殺君之惡。言僞而  
辯。有兩觀之誅。若當春秋之時。明禹廣之罪。作誠來。

世可勝紀乎。向者西京抑損王氏尊君卑臣則庶乎無哀平之壞。東京登庸清河主明臣忠則庶乎無靈獻之亂。大漢之祚未易知也。或以國之興亡皆有陰騭之數。非人謀能亢則但取瞽瞍者而相之立土木偶而尊之被以章組列于廊廟斯可矣。何堯舜之或咨或吁殷周之或夢或卜憂勤日吳之若是然後爲理耶。予因隸古史且嗜春秋褒貶之學必所憤激固辭其所以然。



祖二疎圖記

唐王 萬

吳郡顧生能寫物。筆下狀人風神情度。甚得其態。自江以東。譽爲神妙。有好事者。先賄以良金細帛。必避而不顧。設食精美。亦不爲之設。乃曰。主人致殷勤。豈無意邪。何不醉我。斗酒乘其醉。適常無愛惜。乃張素座隅前。卽置酒一器。初沈思想望。搔首撼頤。忽飲十餘杯。斗乃三揖主人曰。酒興相激。吾將勇于畫矣。午未及夕。而數幅之上。有帳于京城之外。帳中有筵筵中有犧罇。二壺觥卽觥而壘竿。卽倍犧壺之數。而樂師差于前。樂有竽琴瑟。有笙鏞。有缶有筑。有鼓而轉。

古文奇賞

卷六

祖二疎圖記

七十

王壽

無中生有  
刻眼毒手

若鼓手以合奏也。列坐皆冕帶盛服。有持筴主事者。有捧竿就飲者。有憑軾徐來者。有目于騎而迴者。有仰吻而哈者。有俛首而肅者。有避席而遺簪屨者。有促襟而將進者。此漢公卿祖二疎也。主人久視而問曰。東嚮而坐。卽行客也。去國離群而客無慘恨。何爲妙。曰。二疎之去。乃知足也。非疾時也。非時之不禮也。非危于禍機也。非避于讒口也。非失于權利也。旣辭勤于夙夜。而果其優游。故顏間無慘恨之色。主人歎曰。旣不爲利易已之能。絜也。嗜酒而混俗。何其高也。圖二疎以遺時俗。勸也。求其能狀物情者。孰有勝乎。



虞帝廟碑銘

并序

唐張謂

堯有天下七十載將遜于位久難其人伯支許由全其節而固讓義仲鮒叔審其才而固辭帝德合于天天命歸于帝帝盡善也我其試哉山是賓于四門納于百揆星辰合度雷雨不迷堯之二女釐降于內堯之九男服勤于外受昭華之玉允洽人神泥封祀之金大報天地五臣皆進明賞也四族咸黜明刑也先質後文敦俗也貴德尚齒優賢也于斯之時君明于上人化于下山川鬼神亦莫不寧鳥獸魚鼈衆乎咸若無爲而治其聖也歟夫以萬乘之尊一人之貴多

見軌其軌度少能窒其嗜慾瑤臺瓊室堯舜則茅茨  
土階矣玉食寶衣堯舜則藜藿皮裘矣歷代多嬪御  
堯舜顧禮經娶一姓矣自古好征伐堯舜舞干戚懷  
四夷矣百姓樂堯舜未嘗不樂百姓憂堯舜未嘗不  
憂曆數之來人以位授我謳歌之去我以位授人  
來也嬰于樊籠其去也脫于桎梏形神非吾有天地  
之委和子孫非吾有天地之委蛻此其所以禪代也  
近日曹丕父子世爲漢賊當鼎易之時發荒唐之論  
高視前古大夸群雄猥以漢魏之間輒用堯舜之際  
此河伯不知于海若盜跖自方于仲尼也古人云上



以義終舜以勤死載諸祀典永爲世教游夏之徒豈  
誣也哉稱堯見囚小儒之虛誕爲禹所放曲士之穿  
鑿攻乎異端斯害也已九疑北麓三湘南溼帝之遺  
廟存焉地僻易蕪徒生荆棘水深難涉誰薦蘋蘩先  
聖不祀後賢之過攝邵陽令前監察御史宇文宣大  
樹風教小康黎元相岡巒移棟宇前豁林莽得爽塏  
之地焉下指城隅見祈禱之人焉如或宣室言微闕  
官靈降娥英近侍稷契旁趨則歌南風觀東后朝衆  
聖會群臣則知湯武不敢升堂自愧于廊廡之下高  
光不敢及戶退慙于閭閻之外成康文景帝所譏焉

正切虞竟  
大而不說

謂也。無孔氏之祖述。有顏子之希慕。作頌于清芬。勒  
文于玄石。其銘曰。系自顓頊。家于勾芒。大口奇表。  
重瞳異相。俗變山中。風移河上。其器不窳。其人皆讓。  
二年成邑。三年成都。惟彼陶唐。禪于有虞。域中交泰。  
天下昭蘇。彩鳳聽樂。黃龍負圖。其德難名。元功不宰。  
脫屣城闕。遺形江海。陵廟有依。山川無改。象耕未輟。  
鳥耘猶在。託此巖阿。神心若何。蒸嘗昔少。俎豆今多。  
百越迢遙。九疑嗟峨。湘雲古色。楚水新波。庭羅松桂。  
森若客衛。檐度風颭。宛如簫韶。黎庶以寧。陰陽以調。  
憑茲聖壽。祚我皇朝。



寄李翱書

唐裴度

雖唐文字  
大奇晉公  
之言大有  
所感

前者唐生至自滑猥辱致書禮兼獲所貺新作十二  
篇度俗流也不盡窺見若愍女碑烈婦傳可以激揚  
烈教義煥于史氏鍾銘謂以功伐名于器非爲銘與  
弟正辭書謂文非一藝斯皆可謂救文之失廣文之  
用也愚謂三五之代上垂拱而無爲下不知其帝力  
其漸被于天地萬物不可得而傳也夏殷之際聖賢  
相遇其文在于盛德大業又鮮可德而傳也厥後周  
公遭變仲尼不當世其文遺于冊府故可得而傳也  
是作周孔之文也荀孟之文左右周孔之文也理身

理家理國理天下一日失之敗亂至矣騷人之文發憤之文也雅多自賢頗有狂態相如子雲之文譎諫之文也自爲一家不是正氣賈誼之文化成之文也鋪陳帝王之道昭昭在目司馬遷之文財成之文也馳騁數千載若有餘力董仲舒劉向之文通儒之文也發明經術究極天人其餘擅美一時流譽千載者多矣不足爲弟道焉然皆不詭其詞而詞自麗不異其理而理自新若夫典謨訓誥文言繫辭國風雅頌經聖人之筆削者則又至易也至直也雖大彌天地細入無間而奇言怪語未之或有意隨文而可見事



隨意而可行此所謂文可文非常文也觀弟近日制  
作大旨常以時世之文多偶對儷句屬綴風雲羈束  
聲韻爲文之病甚矣故以雄詞遠致一以矯之則是  
以文字爲意也昔人有見小人之違道者耻與之同  
形貌共衣服遂思倒置眉目反易冠帶以異也不知  
其倒之反之非也雖失于小亦異于君子矣故文之  
異在氣格之高下思致之深淺不在磔裂章句隳廢  
聲韻也人之異在風神之清濁心志之通塞不在于  
倒置眉目反易冠帶也昌黎韓愈僕識之舊矣中心  
愛之不覺驚賞然其人信美材也近或聞諸儕類云

恃其絕足往往奔放不以文立制而以文爲戲可矣  
乎可矣乎今之不及之者當大爲防焉爾



論事于宰相書

唐李翱

韓文公以文章事駕  
重丁剛而  
猶繼其未  
謝塵事蓋  
古文詞之  
難言如此

凡居上位之人皆勇于進而懦于退但見已道之行  
不見已道之塞日度一日以至于黜退奄至而終不  
能先自爲謀者前後皆是也閣下位居三年矣其所  
合于人情者不少其所乖于物議者亦已多矣姦邪  
登用而不知知而不能去柳泌爲刺史疏而不止韓  
潮州直諫貶責諍而不得道路之人咸曰焉用彼相  
矣閣下尚自恕以爲猶可以輔政太平雖枉尺猶能  
直尋較吾所得者不啻輔其所失何足遽自爲去就  
也切怪閣下能容忍亦已甚矣昨日來高枕不寐靜

劉軻上崔  
相公曰焉  
知大有心  
者不磨勇  
養氣徒相  
公呼而出  
之。又云  
至于中間  
豈無姚宋  
之相耶何  
說者局于  
四而不至  
于五六耶

爲閣下思之。豈有宰相上三疏而止一邪人而終不  
信閣下天資畏慎又不能顯辯其事恐耻署款內愧  
私歎。又將自恕曰。吾道尚行。吾言尚信。果我爲賢相  
矣。我若引退則誰能輔太平邪。是又不可之甚也。當  
貞觀之初。房杜爲相。以爲非房杜則不可也。開元之  
初。姚宋爲相。以爲非姚宋則不可也。房杜姚宋之不  
爲相亦以久矣。中書未嘗無宰相。然則果何必于房  
杜姚宋。况道不行。雖臯陶伊尹將何爲也。房杜姚宋  
誠賢也。若道不行。言不信。其心所爲賢者終不敢  
進。其心所爲邪者終不敢不薦。而許敬宗李義府同



列○用○事○言○信○道○行○又○自○度○智○力○必○不○足○以○排○之○矣○則○  
將○自○引○而○止○乎○將○坐○而○待○黜○退○乎○尚○自○恕○苟○安○于○位○  
乎○以○閣○下○之○明○度○之○當○可○知○矣○凡○慮○已○事○則○不○明○斷○  
他○人○事○則○明○已○私○而○他○人○公○勇○易○斷○也○承○閣○下○厚○知○  
受○獎○擢○者○不○少○能○受○閣○下○德○而○獻○盡○言○者○未○必○多○人○  
辛○蒙○以○國○士○見○目○十○五○年○餘○矣○但○欲○自○竭○其○分○耳○聽○  
與○怪○在○閣○下○裁○之○而○已○

與卦五陽不疑之而巳

辛業以圖士見目十五辛猶矣卦始自其衣耳

災災器皆不少將受問不辭而繼盡言皆未公多人

出入事限問日殊而論人公喪是禍也承問不取

乎以問不之問與之當何狀矣且意已事俱不問

既自民而止乎殊坐而對標此乎尚自感其安于立

又凡事言問難於又自與時代效不事以非之矣



唐玄宗明皇帝哀冊文

唐王 縉

維寶應元年歲次壬寅建巳月五日玄宗至道大聖  
大明孝皇帝崩于神龍殿旋殯于太極殿之西階粵  
以寶應二年三月甲辰朔十一日將遷座于秦陵禮  
也象物已設仙馭將飛空聞脫屣無復求衣孝孫皇  
帝親臨遣奠意延咎刻向池綽而涕流想山園而心  
惻九天兮無所一往兮何極感貽美于孫謀俾述事  
于祖德其詞曰 道德洋溢乾坤交泰成功如何登  
封于岱太平如何是時無外才藝餘美帝王之最學  
究天人乙夜慚對文齊日月秋風靡逮推曆正元調

令狐楚哀

憲宗文性

華朗今高

殿寂梧葉

昭兮深宮

悲

律平害札動雲落。弦開葉碎揮琴陋。虞教詞輕沛良  
辰可賞聽。政方退。鐘鼓屢陳君臣高。會巍巍蕩蕩四  
十餘載。巡省順動西南與。區命子出震繼明。握圖長  
驅猛士累翦封狐。不失舊物言旋上都。離宮就養壽  
酒多娛。習道久矣。神仙遠乎。嗚呼哀哉。湖上鑄鼎海  
中祈藥。忽乘紫氣長遊碧落。千門萬戶若無天。今寥  
廓。八達九衢雖有人。今寂寞。淚爲雨于震極。哭成雷  
于郊郭。遺轍跡而徒攀。葬衣冠而可託。同軌畢至。初  
陵已開。震鳳輦于仙仗。降龍輜于帝臺。儼將行兮。蕭  
穆似有觀兮。徘徊遇春城兮。如送望暮山兮。謂來鳴



上韓舍人行軍書

唐吳武陵

朝廷命將。自數十年來。未有此重。然始命之重。而終責之固重矣。今丞相主也。刑部以宣慰爲名。乘生殺之機制。善敗之畧。獨在閣下。閣下可使諸侯盡附。餘寇必誅。以快天子之心哉。若曰。吾獨主降者。與其縣邑耳。則是一王官之事。又非相國與朝之大賢所宜降也。若曰。吾將以法令齊之。則是韓弘之法令。嚴肅已過。不可加也。若曰。吾以闕庭之威劫之。俾諸將懼而前鬪。則在下數行之語。決行之耳。又不必躡踵而推。捽項而驅也。若曰。吾親視其師。有不用命者。則奪

似亦難素定

險哉著

其符而易置幕府。則宜有素定。不可臨事而待聞也。若曰吾將將彼三將。督進六萬。以誅寇。則其軍各從其帥。帥之命也。吾未嘗撫循其人。又將何以結其心。而求其死哉。獨曰賊重吾德義。必來降。此蓋萬一也。脫不如旨。其將何圖。嗚呼。國之理亂。在此行矣。得其盡。則兩河不足平。河湟不足復。失其策。則天下之事。自此繁矣。豈不惜哉。丞相尊重。素狎武陵之言。輕而不能盡行。時益恐不盡。願梗概其旨于閣下。夫兵機若神應。事立斷。千里之外。必待奏聞。而後行事。亦變矣。誠願丞相宜密請敕旨。事無巨細。行而後聞。又宜



矣。取中人嘗所不快者爲監軍。以一之卽歸。素所快者于內爲吾地。則用陰符五賊之術。以傾諸侯。卽復出絹八九十萬。以賞給士大夫。誠然矣。則孰不爲丞相之人。旣獲腰領。則以朝命命三將爲三陣。旣定。則明斥候。擊牛高會。潛授綠邊諸將。以實期。又公以三期給賊。令辨士持一函書。賜元濟。及其將士。以全活。彼必降矣。適不如料。則一日快進。必次于城下。此大畧也。夫臨機制變。又何可數。昔司馬宣王征孟達。則八道急攻。征公孫文懿。則捨其銳而趨其虛。緩以撓。各從其利也。夫禽之制在氣。顧吾之法。令何如耳。昔



肅王以千人。劉牢之以八百人。高隆以三千五百人。謝玄以五千人。劉裕以二千五百人。是皆立鴻勲成大業矣。夫就世務者在結人心。結人心者。吾所以張其形勢也。方聞紀綱之僕者三百人。軍令苟行。亦足以塞諸侯之望。奪群寇之心。歸六萬人之志矣。使賊不爲則已。爲則必決死于一戰。以延其命。願閣下無事迫速。慎出令。拔奇士而已。昔先主所以分蜀而帝者。獨以長短之權。傾曹公耳。誠使諸侯以嚴暴。吾以寬厚收之。諸侯以殺戮。吾以禮義懷之。彼有所短。吾見其長。彼有所乏。吾施其餘。則事何不濟哉。



虞世南哀

太宗后文

相觸樹而

疑慘露分

允而垂泣

呼哀哉壽原肇吉先天不違接橋山之隧營金阜  
之玄扉擁馳道兮皆往獨宮車兮不歸厚夜兮藏晝  
終天兮戢輝文始遠極武餘英威立德不朽至道惟  
微雖陰陽之與變化侔聖德兮安可希超前古以作  
則遺後代以垂衣嗚呼哀哉



